

古樂府

四言古詩

五言古詩



唐堂集卷三十一

華亭 黃之雋



古樂府

雞鳴

雞鳴寒柵中其時正三更問誰逼迫爾矻矻引修吭人
庄各有志求衣在木明鞭策恐後時前路艱且長索居
每叢過寡黨學不昌彼鳥高樹顛相應以和鳴乘時共
努力上與古翱翔

步虛詞

天風生海月起龍蠕蠕吟霧裏幢影疊燭如水花續繡

唐堂集

卷三十一

古樂府

一

吹仙子仙子降青裙香鸞爲舟麟爲糧太霞曲漱節鏘
夜半語人氣涼母萬物門衆妙元精合葆光照石流髓
滿丹嶠掬飲之鶴旁笑雲腴熱蒸空青紛嬋娟玉女靈
柔雞鳴旋上清留一棗綿壽齡

塘上行

塘上菡萏開塘下芙蓉殘一物異衰榮在君顧盼間與
君爲仇匹期作百歲歡胡意香蘭花儵忽委霜菅房櫳
咫尺地遙絕若九關明鏡滿一規朝朝照單顏君視風
與雲妾視海與山南山旣以平海水亦以乾妾心終不
變君來可剖看

悲歌

悲歌何以當哭遠望何以當歸羈憂之來莫之可治人生如夢不樂何爲曷以療憂安命順時

日出東南隅行

東南有好女姱麗世所無慕古邯鄲姿亦自號羅敷二八芳華年肌理玉不如被服極芳豔千金飾此軀當春動長懷采桑出道隅自謂傾城質皎皎羞雲茶綺陌紛往來錦幃飾華駒相遇渺不顧各自爲戲娛輕薄或譌謂爾其孤逐徒一解羅敷日暮歸春風閉高樓擘鏡照玉顏流淚成串珠娵娵春遊女妍笑攜同車連袂解瓊佩

唐堂集

卷三十一

古樂府

二

慘袿遺玉鉤白日不照我小徑獨踟躕鄰婦聞之笑羅敷一何愚世人不好色爾貌空麗都二解鬱鬱廢蠶桑奄忽三歲餘漢詔遇姪何美色兼善謳東鄰貢處子北里名名姝南威聘自晉西子笑辭吳羅敷欣動色入宮在須臾媒理惜無人自愛何所投妝成長寂寂落花盈戶樞二十猶不嫁徒矜顏色姝三解

對酒行

坐以芍藥四香之瓊閣酌以玻璃七寶之羽觴何以侑之崑崙六么之妙曲誰其侍之邯鄲二八之名倡今日不樂復何待古人墳冢高如岡東風吹酒酒氣涼日影

柳花吹滿卅可憐
箏聲淒復急
酒杯翻得羅裙濕
江水東流豈再歸
雙眉不開空爾爲

陽春曲

春陽相鮮新使我芳草茁
芳草正愁人東風闌虛室
禽語悲落花蝶夢隨殘日
悠悠思或牽迂迂魂若失
所思杳無端意者在靈瑟
良辰當奈何翻令增首疾

東飛伯勞歌

東飛伯勞西飛鵲鵲能報喜
鳴以躍女兒妝曉臨華軒
聞聲卷簾正對門金吾年少
駟馬歸六禮通媒求作妻
靈禽知來女心悅鴝鳴苦
苦空敝舌但催貧女去績麻

唐堂集

卷三十一 古樂府

三

東家定不如西家

江南五首

魚戲蓮葉間
蓮女注波看
葉是衾與幃
魚是儂與歡
魚戲蓮葉東
晚涼遮日紅
團圓月又上
照我雙芙蓉
魚戲蓮葉西
鷺鷥眼欲迷
汝但見蓮葉
不見藕根泥
魚戲蓮葉南
蓮葉綠人衫
唱罷江南曲
喚郎整鼓簪
魚戲蓮葉北
高荷闕日色
回風吹水翻
羅裙乾不得

猛虎行

澤國寡山林
虎豹不可居
胡然葭葦間
藏此猛獸軀
土人刈葭嬰其爪
鉛殺而不食
流血漸漸殺人
示勇不食

示廉鄉老入城報官府官遣獵人來捕虎虎已騰風東
海去回頭笑與獵人語我今殺人慙且逃胡爲汝邑有
虎揚揚殺人而自詡

獨漉篇

獨漉獨漉天寒水縮汎舟不可如鏡照我寒英不春秋
雨爛死蚤榮而實勿啗桃李不疑無兄幸人之愚我恐
姦人造爲嫂軀淵歿夏盲天入賢罪輕之則癩重之則
醜道行避雨松篁古祠風急晝晦室有鬼來陸行無梁
水行無舟形如土偶見天地羞

野田黃雀行

唐堂集

卷三十一 古樂府

四

縱步適原野中田施網羅稻梁方刈獲啾啾羣雀多雀
者爲口腹餘粒飽泥沙羅者爲口腹肥脂秋味嘉我戒
羅者言慎莫相邀遮豈無王母使混跡同經過鳴臯蠖
螿傷終當活黃花關西楊夫子食報由微禽玉環縱勿
貪三公豈不敵羅者顧我言關西楊夫子父寶名節敦
經術致三公活雀吏無聞雀旣不足活幸開一面恩

攜手曲

吳堤春樹齊作花蹋青女兒美如霞金鞭年少花底出
一見相悅如一家解下我紫騮馬攜手同汝遊贈汝玉
燕釵豐髮宜竝頭贈汝金鵲鏡紅頰明雙眸著汝紫綺

襦白雪映肌膚東汝紅羅裳纖腰爲抱扶虎釧約汝腕
削葱爲我持鴉襪襲汝足妍跌爲我移勿聽他人言汝
耳垂我秦珠環勿盼他人顏汝目遮我圍齊紉我有紅
楚枕貽汝以甘寢我有綠麝氈坐汝以共娛再拜受郎
寵錫殊賤妾何惜纖纖軀解桑女媿婦在路邊禮義自
守人不憐解

不羨古離別

明月行天上落影入我闔君行不在天形容渺相濶本
是雙棲身側人翻如孤飛天上月明月照長江江水流
不竭君能持刀割斷水妾亦甘心與君絕

唐堂集

卷三十一

古樂府

五

烏生八九子

烏生八九子倏忽成老烏營巢伏卵心力枯朝暮一一
飽飼雛養其毛羽相悲呼樹頭風來飛出樹長成安得
不飛去老烏旣爲父母心最慈但願其不爲臯安望其
反哺時雌老烏誚其雄不如他家子一飛直過扶桑東
攀依光彩踰日中

秋胡行三首

位高金多鄙哉宦遊人位高金多鄙哉宦遊人高車駟
馬不如路塵望見室家而野之云五歲不覿乃見淫昏
歌以言志鄙哉宦遊人

有女雲茶不如思縞綦有女雲茶不如思縞綦他人
姬人挑其妻窈窕在德豈與色偕人倫之始狂且不知
歌以言志不如思縞綦
風俗移人願守禮義邦風俗移人願守禮義邦魯國彬
彬聖賢相逢貽我握椒溺於陳風包羞不戒喪其匹雙
歌以言志願守禮義邦

獨酌謠

獨酌謠獨酌且獨謠一酌澆魂壘再酌開鬱陶三酌仰
天笑四酌哭以號五酌月爲我徘徊六酌雪爲我飄颻
七酌鬼神聚酸風鳴離騷八酌九酌酌不得一尊碧雙
唐堂集
卷三十一 古樂府
六
頰赤今夕頭髮黑明日頭髮白

雙燕

門外不知春浩浩一雙燕子銜春到舊壘安痕何處深
鬱金堂前飛且尋堂前麗人年十七倦織流黃未成匹
舉頭忽見雙燕飛故下珠簾飛不出燕子燕子汝補巢
銜泥慎勿汚堂堂砌窗邊紅梨儂所愛飛去飛來尾莫捎

淮南王篇

淮南王骨欲飛藥爐濃煙熏紫微彈琴求道坐殿堂白
晝會食鐘聲鏘鏘鳴鐘揖八公八公叩首視太空大笑
吐出青天虹我欲渡淮淮水波不見雞與犬將奈何將

奈何歌以思靈被不諧伍被共夷神仙一死魄無冢桂
枝連蟾發秋壠

邯鄲才人嫁爲厮養卒婦

秦鹿啓涉狐黔首無室家陳王旣張楚豪桀供一呼武
臣略趙地下城三十餘自立爲趙王邯鄲以爲都丞相
爲張耳將軍者陳餘趙王旣名國氣體亦已尊邯鄲挾
瑟伎一一備宮嬪叢臺盛餘習跼躡彈哀弦羅紈列後
房黛綠充下陳中有姝麗女給使爲才人本是小家子
生長邯鄲里不學邯鄲倡色藝故雙美蘭麝爲氣息芙
蓉作肌理腰支何娉婷曆輔發光彩穠纖稱骨肉謳節

唐堂集

卷三十一

古樂府

七

諧宮徵委身捨穰間有如萍入海君王起草澤不解相
愛憐作計遣諸將北徇燕代間韓廣略燕地李良略常
山韓廣已定燕王燕之故疆燕人戴新立與趙爲抗行
趙王親略燕乘間虜趙王留質求趙地使往輒殺傷耳
餘大豪桀踳踏不得將偉哉厮養卒忼慨前致辭吾鼂
往諭燕夕載王俱歸聞者盡譁笑汝頭何多爲卒徑不
顧去遽入燕壁馳談笑問燕將知我來胡爲答言欲得
王來意誰不知從容再致辭吾國張陳輩君知欲何爲
答言欲得王恨計無所施卒仰天大笑爾曹何蚩蚩張
陳與趙王材智皆等儕非有主臣詎徒用年齒推各欲

分王趙安危利其蓄名爲求趙王實欲燕殺之兩人分
王趙遂興問罪師以討殺王者屠滅旦暮期燕將大畏
悅歸王唯恐遲卒鼂辭趙去夕御趙王歸是時廝養卒
名震燕趙郊張耳愧不及陳餘不敢驕昔在前趙日國
有藺大夫相王西入秦鼓瑟以相娛力能使暴秦擊缶
歌鳴鳴秦王不敢慢趙王歸宴如今日廝養卒功豈與
藺殊趙王旣歸國不聞賞錙銖李良定常山身建大功
還復命於趙王使西略太原秦將縱反間良尙猶豫間
道逢趙王姊華轂連雕輪馬蹄蹙黃埃車騎何喧闐謂
是趙王出頰伏謁路塵王姊方醉歸不省李將軍徒使

騎報謝良恚不可言貴爲女子屈羞莅其從官追殺趙
王姊移兵襲邯鄲趙王遠罹害張陳皆逃奔李良引秦
將盡徙邯鄲民城郭夷邱墟宮室化灰塵才人無所歸
驚定還自掄此間廝養卒緩急可倚恃英雄混薪爨擇
嫁必此子念昔侍君王月日淺無幾虛名奉中櫛實未
親牀第身如冰玉清年亦韶華綺失此倘不嫁何異萍
入海廝養旣名士才人亦傾城三星照戶隅今夕吉且
良兵荒殺昏禮真色無靚妝不圖爲匹偶天命憐陰陽
昔亦不榮達今亦不悲傷雙雙魴與鯉兩兩鴛與鴦燕
女手在盤沛女洗踞牀秦女殿上驚楚女垓下亡不如

此趙女花葉自相當偕老太平日歡樂未渠央

或謂秦漢未有

才人至晉末始設然迭見漢書傳昭儀傳後漢書馬皇后紀魏志毛后傳及明帝紀注中引魏畧意是給使宮人之妙選晉後始定名位耳且廝養卒孰有如馬班所傳者乎吾以翰墨爲媒均成此嘉期不欲效元暉太白詠此題徒發淪落之歎

巫山高

巫山高於雲雲笑山亦媚夜半攜雨來吹作碧涼氣山南山北煙景秋中有香草香欲流神女飄飄居上頭一時雲雨萬古收巫山秋月明瀟湘秋水清英皇不可見斑竹淚縱橫

薤露

唐堂集

卷三十一

古樂府

九

坐入彰義門臥出彰義門丹旄前導翠翼何軒軒斑然羸首木戢身上不見烏鳶下不見螻蟻中亦不見子孫旋風捲沙埃中有鬼伯言地下差勝林下胡必生前歸故園

結客少年場行

吳劍白如雪洛酒紅似血相逢市肆中一見心相結遂殺雞犬盟肝膽爲之傾男兒重意氣家室安足營千金供一擲萬錢供一食游俠能借軀英雄亦漁色生憎老儒腐不中吾曹役豈知聖王世遊民在所斥

權歌二首

白布染皁洗不清磁甌裂縫合不成明星照泥日昏晝
暫有晴時終少晴

屋裏纏綿會有時路旁飄蕩更無期風吹落紅穿網過
葉底蜘蛛空費絲

白紵舞歌

歌扇歌舞衣舞三五二八紅妝女纏頭黃金買白紵人
時裁剪不摹古風動雲行綺綺羅傾城一人如花里
兒見之喚奈何

上之回

上之回風伯雨師紛以馳離宮避暑駐六飛龍行天馬
唐堂集

卷三十一

古樂府

十

行地往復來仁哉沛芑萬方及四裔日月黃道順躔次
聖人健行千萬歲

君馬黃

君馬黃臣馬驪整轡扈行閑且馳吉行五十里千里將
安之八駿空負如龍力天廡王良唯逸德臣馬不如君
馬良齊而駕之驂與服太平不用武渥洼猶獻馬如其
有馬以賜賢者坤牝之貞與乾爲輔

碣石

臨碣石觀滄海徐市童男女無一在但見海水汨沒三
島出雲霧裏仙人上藥食之長不死大魚擁護不得採

游泳海中若山徙安得彎弓射殺大魚壺
嬌間解衣包
裹靈藥還計日噉盡什伯九遂與天地同壽
眼見此海
爲桑田可憐平昔所親愛冢墓纍纍骨月壞
相逢後生
無一相識子身俛仰求死不得嘔出藥丸悔何益

秋風辭

蕭蕭木葉何處飛江南一夕遊子歸秋風吹來人醉鄉
桂華叢叢露瀼瀼桂華何芬芳鞠華何未黃暮雲美人
天際翔湛湛江水微有霜側身北望思徬徨秋風一過
衆芳歇對酒莫辭杯百罰豈不見西飛日與東升月

四言古詩

唐堂集

卷三十一 四言古詩

十一

洪烈節

有序

烈節休寧金氏適洪生甫婚洪客遊病歸卒氏乃立
姪爲後爲血書二一遺姑一遺母乃經距夫死四十
二日俗所謂六七也年二十四

巖以嶠兮江以潔兮曰鍾於洪出烈節兮 江有鴛鴦
日爲匹雙厥雙未久拚飛其雄 君子未還子棲于閨
君子旣還亟其禱醫 君子死矣妾亦逝矣妾未可逝
君子無嗣 迺立我孤迺拜我姑迺捐我軀迺從我夫
月兮其心玉兮其音一鄉有人以式江南

江之石

有序

江之石黃子舟入楚南賦所見也悅其奇悲其荒故
作是詩

江之石匪石伊虎欲渡不渡水蝕其股脣吻呀呀見舟
而怒江之石如飲於水吃吃負重曷俛曷倚水入腹
吞渴不可止江之石龍所爲爪攫其泥爰萃爰離厥
肖唯夥無肖亦可我舟旣過佇而望我江之石神所
鑿帝謂淫巧南荒是擲揜麗匿奇見舟而悲蔽賢者天
於人奚訾

稚竹 有序

稚竹哀幼子也詩人行役於郡幼子元才年十三殤

居堂集

卷三十一 四言古詩

十一

於家役可緩也詩人躁急先期而行明日幼子卒明
目計至郡遠還撫榷而哭之見屋後有新竹萎者遂
作是詩凡六章章六句比也

嗟爾稚竹其美如碧脉爾出土脉爾解籜幸覲爾成歲
月如昔嗟爾稚竹其美如珠風雨不仁漂搖爾軀幸
覲爾成萎焉忽諸匪伊風雨我咎我土土薄植淺根
撥而俯幸覲爾成天命不厚土之薄矣尙可培之風
之搖矣尙可維之胡寧忍爾去而不知我之歸矣則
不可候哀我稚竹不立而仆相其筍枯維我之故稚
竹之生稚竹之歿悔我出矣脉爾不蚤蒼天蒼天悲不

可道

夜行八章

夜行而雨水濕其火夜行尙可兩行殺我 夜火爍如
而雨滅諸我車曷驅我輿曷昇 昇輿之子路不容趾
路易而渠涉陸以水 匪直人之辛唯我其辛翹彼蒼
天夜雨不仁 不仁如之何月旣陞止胡弗升于天雨
亦綿止 橫流湯湯斷川之梁奪舟而渡昏無水光
濯潦四溢夜喘於晝我命非魚能不恤我後 征夫作
詩哀此夜行誰其和之惟雨之聲

閩路五章

唐堂集

卷三十一

四言古詩

十三

閩路皆山閩水皆灘非山非水曷云其難 維山巉巖
維水激湍相彼平陸亦孔之艱 維彼平陸坳突險仄
或臨於淵或錯於石 烈日燥乾行人嫠嫠雨或淖之
行人傾翻 我行之熟矣行而不至亦孔之曲矣雨又
淖之曷其酷矣

大江四章

爲節孝朱貞女作也二章章八句二章章六句

大江之西女星如炬不待於婚天缺其侶天則缺之我
以禮補洵無媿兮相國之女 大江之西女星如斗迺
巾迺帽迺井迺曰事我舅姑退哭其偶洵無媿兮司空

之婦 女星黯兮大江之西迫欲見夫兮而病焉醫洵
無媿兮孝廉之妻 孝廉有妻維家之祥豈惟家曰祥
邦國有光仰而眎天女星煌煌

蠶之食葉

蠶之食葉聲如疾雨馬齧於槽聲若濤怒聞之疑似毫
釐千里古病聰者以牛惑螳耳雖在吾勿信其耳

詩者何爲四首寄焦徵君

有序

此木軒集有詩者何爲一章辭句錯綜自道其作詩
之趣淋漓酣嬉若雲煙之起滅矣竊和其題概論作
詩大旨別以四言九韻凡四章

唐堂集

卷三十一 四言古詩

七

詩者何爲繫心之聲肖其哀樂小鳴大鳴天風海濤禽
蟲可聽大塊之詩與吾爲勿雕文組采而聲不盈不如
三百叶於瑟笙匪直也聲亦嗜厥味含諸咀諸酸醎之
外聲嗜味漓斯道其胸

詩者何爲以言志也志者何爲乃心之馬驛而騎之何
適而可整轡鳴鸞達於朝野古人之言以風以雅我思
古言曷其先我非志則無維言則蕪言之不蕪與古相
驅日輪月馭精華大紓

詩者何爲性情之正緣情衆知孰云其性人爲物靈生
而能詠匪學斯擅根於天命易水垓下歌騷之聖質惟

軻羽不倚比興瞿瞿體裁詹詹聲病性不影情圖以人
勝雖多則那匪雅匪鄴

詩者何爲有爲而作達其美刺寫其哀樂以饗神示以
燕賓客亦有無端發於喉齟來也無方觸之無著興會
忽至驚心動魄田歌權謳討源三百大毛英英必序斯
鑿治而琴之其古糟粕

摘荔

爲沈子大題照

荔之薌矣摘而嘗矣與民同耆政之良矣君子所芟於
荔之旁彼都之人謂荔也棠 我之適閩不遑食之君

子至止薄言摘之荔之熟兮無俾信宿兮古人之風洵
居堂集

卷三十一

四言古詩

十五

可續兮 君子旣歸民不可諼有渥其顏有荔其丹誰
其肖之繫閩之思古之棗竹今之荔支

唐堂集卷三十二

華亭 黃之雋 石牧

五言古詩一

雜興

二月晴浩浩圓曦盪煙沚百草何芬芳青蕪自霍靡中
有傷春人悠悠行水淚蠶蝶驕白日松篁讓紅蔭韶光
滿一握囊之寄予美東風吹羅裳羅敷隔流水誰具天
涯情揮淚霑蘭芷

雜詩三首

吾聞鍾山神其名曰燭龍張目爲白晝瞑目爲夜中七

唐堂集

卷三十二

五言古詩一

一

政運天上焉用此微蟲蒿莽蔽陰穢能障旭日紅螢爝
質細微亦照昏夜朦但論效所施遑問彼異同
元豹隱山霧潤澤我皮毛祥麟煌然來隕辱於魯郊奇
異實名尤文采天所撓物理貴平淡何必擅崇高薰以
香自燒膏以明自消長願保無用蒙莊其逍遙

絲布皆可服本自機上分布作縞素色絲成羅綺春載
染紅紫豔花色爭鮮新紫綺裁窮袴紅羅製舞裙細腰
同結束密與支體親回顧衣桁間縞袂積埃塵綺羅雖
見愛私褻不可陳布素雖見棄拂拭有餘芬

馬鞍山古洞

疊石青巒玩媧天圻微罅千年堆未安秋風吹欲卸門
絕竅兩竇度之頗容跨冥搜莓苔滑勢急不得暇足試
兼手捫睨上復顧下遂憇園巖中黃煙凝初夜天光滿
秋間造作一綫射穴黑不敢窺疑聚陰鬼嚇鑿隧通虞
山造物窮詭詐惜未縛炬尋但見細泉瀉尋山喜詰屈
心目耐驚訝洞壑屹胸中旅窗佐觴聳

避暑古墓

同路西駕攜鮑照集
用遇銅山掘黃精韻

大晝灼中土乞涼無佳策罷飲趨古墳樹蔭壽千歷奇
藤束虺項豐苔印狐跡叢陰出寒颺泠泠蕩泉石虐日
不漏隙晨露午猶滴疑棲巴峽深弄煙臥青壁老鴉叫
居堂集

卷三十一

五言古詩一

二

月下

露洗月滿野溪田蕩如鏡人影墮深秋毛髮刷寒勁窅
窅窈步移閃閃冢炬映矯首以朗吟青氣蟠斗柄

幽憂三首

溯昔髻角時中心澹無營蹉跎黓冠餘百憂煎我情煙
雨竄九巒夜氣昏一溟出北門四望野水流頽瑩攔襍
聞之笑一坵香草青

空林野火小鷗羣叫寒歸一鳥風中搖路黑無所依欲

待明月出明月出何遲訓狐雖夜行非匹難相隨

浮邱忽隕命葬之瑤波側子喬感恩私銜淚寫碑石蕭
蕭白楊風吹雲作冰色婉妘歌其顛搔首傷陳跡天靜
日光短寥寥過寒食桃花墓上紅朝榮不到夕

乞雨詩四首

有序

歲癸酉夏旱民構竹爲亭以棲神或佛者以百計柏
笠敲魚以暴於道者以萬計若曰使帝恫我而賜霖
焉予爲作龍風雲海四歌俾衆悲吟而禱諸

黑龍爾何閒卷尾作清夢日炙涎滿鬣黃昏吐晴蜧于
嗟聾兩竅不聞羣氓慟史冊怖大名靈異厠麟鳳胡爲

唐堂集

卷三十一

五言古詩一

三

目炯炯旁坐視人痛上帝封江湖有水不得用硯池盈
一勺盍取蘇黎衆

飛廉本禽屬爵頭而鹿身意者卽紂臣所以虐海濱當
暑忽爲厲橫空鼓其脣驅雨出六合掃雲歸崑崙噓畝
土裂膚吹水溝揚塵何以不鳴條邈哉思古人

雲爲雨之胎望雲雲渴死俄生東海頭火峰轟丹綺泰
山燔其膚石氣蒸竒紫安得蘸我筆潑墨染炎暑油油
濕一天淙淙下新水

繹絡乞雨亭赤日耀毬彩士氓聚如蟻奔趨忍劬餒救
早寡竒策曰往顓東海海若聽臣顓臣等無大罪百拜

赦臣罪祀事勿敢怠

乘月登燕子磯遠返

舊識若名士契濶已九年

甲子歲登此

及此月東照沙岸巖

秋肱靈意暗往來靜若拱而延著屐赴其招一徑十數
旋草痕綠漸脫石氣青初涓誰鑿一座屏豁作門限穿
陰木咳衰鸛碧燐圓如錢旁駭奇鬼搏前逐癩猱綠穹
巖樹影中險黑壓遙天山風吹回聲氣餒不得前譬之
訪戴逵興盡中途捐不踏夜降月去枕秋江煙

八月十九夜登虎邱遲郁宣夏楊彤士不至

月候殊圓缺石態變炎冷燈黑人散時闌若非山境獨

唐堂集

卷三十二

五古古詩一

四

坐侶不來流螢意同靜樹高月難上東向屢延頸秋露
濯夜雲海鏡懸孤柄陟級遶曲廊俯踏煙萬頃微寒澹
生衣毛髮豎如穎長嘯別茲石帶月眠舴艋

答陳叟

元音流東鄙滄溼鬱風騷鎌山耕青村蓬山樵高橋之
子山陰彥棹頭海上逃隱居事往哲蒼曉蒼瀟瀟春野
杏作花晴溟澹不濤邀我酌濁酒魂壘君與澆園蔬擷
以豐雞臠芬鮮糟古意久流連落霞照青臯踟躕不能
別期與鳴雲韶吟髭發奇響魚龍夜騰跳

愁霖曲

曉雨何淫淫暮雨何沈沈空房簷花青滴瀝成哀音羣
紅走何處一綠慘千樹窺水尋見之寒腮泣冤霧苦翳
若塢穴爲汝築春墓

答鍾廣思

差峩滌洞間賞音者子期其裔學有源山水筆下飛惠
寄薤露曲先君聆之哀漆火照夜眠閒愁上霜眉憶從
梅閣翁尊人倩萊先生嚶鳴以往來宿艸縈吟魂雄骨亦已摧
今人誰無父爾我作孤兒驚颺無靜柯汨汨涕濕衣

躬耕

雨雨如雨膏雨止農事疾溪東有瘠土我亦不遑逸揮

唐堂集

卷三十一

五言古詩一

五

鉏鉏土膚鉏重土堅密篔簹興古悲酸歌晦白日五月
柳外風吹泥上癰滕豆兮爾努力鮮綠爭笑出以我耕
爾來而豈老農匹呼豆豆不鷹微波響寒滴

王五舅爲我督耕東臯風雨晚歸勞以詩

管寧亦一龍葛亮亦一龍當其水霧涸草土蟠厥蹤農
圃賢者事爾毋鄙耕庸晨徂課鄰犢犁破資菘封溪風
白搖天墨雨急下衝西日矯不藏怒雷時撞春豆畦生
輕瀾鉏缺下淥淥谿暝野火出村寺鳴煙鐘人聲響過
橋知是遇雨農厨醪熟以香相與澆濕胸西北有兵事
力田勤輸供蠹蠹耜端鐵化爲虬劍鋒醉後顧之嘯功

名匪易逢

大風雨聞海嘯之異用徐文長韻

莫歌海嘯曲一歌白日避小雅亦紀災宜付瞽師肆鼠
年羊月朔寶山黯不翠風橐鼓熱濤雨工夜羅致寧龍
搖令旗聰角聽非贖遣蜃肆不仁督鯨行無義三更取
男女以充魚鼈饋昏昏千萬骨齊入海甕醉水痕利刀
劍割屋裂重闕宰官聞歔歔自言能撫宇漲退盍往觀
露齒接畦遂頽城燃轉燐荒鎮走冤崇努颺尙獵獵日
影慘以瘁徹廬枕東溟因之孤膽惴疑踏白浪翻數夕
擾甜寐古者不揚波爾今何造次豈不聞 王師瀚海

唐堂集

卷三二

五言古詩一

六

迎漿食

時聞北
征捷音

羅將軍詩 有序

程揚外兄歿於威寧都司任貧不能具棺其僚浙人
羅企睿爲治後事留其子給其僕資斧得萬里歸骨
又贈金詒書二兄俾葬父母以慰死者心予見羅書
高其義作詩美之

吳越兩鷗鳥各起而飛騫因風率其雌萬里棲黔蠻兩
鷗不相識相逢話纏綿羽毛齊五采來往相鮮妍黔中
稻梁貴吳鷗腸憂煎雌死雄繼之魂魄相後先啁啾黃
口雖目液紅不乾欲負父骨歸背創不得安欲銜母骨

歸物血流濺濺越鵲翩然臨哀鳴涕闕于天涯託儔類
中道成棄捐生於我就食死於我闔棺家鄉萬餘里魂
兮畏關山我有橐中金飲助還雲間緘金結素書遙達
仲氏前羅某九頓首伯也叨同官聯翼林箐中嚶嚶聲
相關尊酒每勞苦有時慘無言但言親未葬子道恨不
全秋雲墮將星陰飈吹戟轅孝念永不遂此恨深黃泉
我有橐中金不腆三十鍰半送兄嫂歸半以葬椿萱新
鬼慰舊鬼瞑目得長眠家人王厲輩捧骨故鄉旋小阮
軀幹弱暫留過嚴寒仲也慎努力自古賦鵠原仲氏拜
受書陰痛摧心肝字字血結成行行淚漬股讀之未及

唐堂集

卷三十一

五言古詩一

七

終涕作黃河湔斯是嚶鳴友義盡恩亦殫自恨生同巢
不得同飛拚藉非羅將軍兄骨飄蠻煙藉非羅將軍親
匱淹旅屢錫類本仁孝豈與游俠班感激持示人賤子
幸索觀交情死生見古道良獨難朋友五倫一此倫幾
已刪藉以風薄俗歌此兩鵲冠

巳卯歲人日同廣思訪履階上人

春水渙文漪條風吹綠茸靈辰旣屆七卯友復招雙蘭
若人境外流波抱其中雖無以醉陶頗振白社風初陽
暄庭戶流雲時出窗茶煙颺遊絲牽引在晴空坐久齋
磬寂詩禪互稱雄培塿亦有松井泥亦有龍高僧與名

流海取一相逢

白髮一莖

松柏饒貞姿亦爲蕭斧愁蒲柳况易衰嚴霜相與搜嗟
予三十二素絲飄黑頭譬彼葦葦梧一葉先報秋績學
豈顏似才華非潘儔顛毛之蚤悴頗曰能效尤陽春滿
世間獨感其陰幽死灰揚當風槁木斷在溝體非金鑄
成鎔鑠以百憂白日徂冉冉江水去悠悠古人泣髀肉
髮亦使涕流

詠古二首

庶草本貞姿豈肯畏凜秋弱質負奇氣寧爲溝壑憂楚

唐堂集

卷三十一 五言古詩一

八

漢多名俊虞兮千古留陳韓不足訾去項而歸劉伯也
爲季父翻然甘事仇亞父雖引退重瞳我好逖呂后在
軍中待若妯娒遊從容使還漢賢德消恩讎楚聲四面
起垓下雙淚流妾非亡國人肯與褒姒儔娥姁雖生活
視之如蜉蝣

歸州有佳人稚齒入宮掖謂當擅寵私名冠妃嬪籍長
門多秋風吹我好顏色閒中看芳草年年映窗碧自畫
雙長蛾龍顏曠不覿按圖以名幸非不慎選擇付託非
其人恣意填粉墨奈何妾薄命天心自昏黑始計良謬
誤後運期變易跳身出漢宮翩翩赴漠北豔譽滿人間

貴重一朝極安能鬻愁黛房中守鬱抑

情詩

淒風殺衰樹脫葉紛雨響豈不樂繁陰天運不可強人
生無百年顧盼成疇曩胡勿勉青春遲暮始悔想蒼素
點毛髮零落等羣莽羣莽衰復榮白日暮復明人老不
復少使我默傷情

旅中苦雨書壁

杜門百日晴出門十日雨雖爲秋旱喜翻作窮途苦一
身如孤舟飄飄定何許羈縲斗室內隙影明窗戶半几
堆詩書一塌隘環堵頗借檻外致狎與作賓主浮圖聳
唐堂集
卷三十一
五言古詩一
九
煙雲殿角出紅樹天然摩詰畫時時挂簷宇愁霖何沈
沈壓我氣不吐忽然思拚飛四體乏毛羽初願旣已孤
轉計又中阻終當歸荷鋤隱約事農圃鳳凰雖苦饑鳩
鵲莫嗤侮神龍雖泥中蛙蟪何足伍揮毫破寂寞酌酒
笑起舞且待陰翳散紅日光下土

補雜體詩三十首

并序

梁江醴陵淹雜體詩三十首輝倣古之能事極騷苑
之鉅觀矣所恨河梁贈答李舉蘇遺鄴中倡和劉存
應逸陸家二士龍不繼衡張氏兩陽孟不先景二曹
競勝獨刪老瞞諸謝畢登偏失宣遠爰不量力輒取

所遺爲補擬之亦如其數倣婕妤之思旁及卓蔡援
上人之例兼採支公邕固以單詞備式孟德以樂府
構篇是又別離咏扇之流也至若原篇所設訖於宋
賢融朧之徒羸及齊儁以淹視之實其後死充以備
體諒亦無憾但淹絕才驚豔妙極揣摩後賢猶且度
以分別察諸毫釐不無離合頗有議論何況拙撰哉
於諸賢爲臆刻於文通爲蚍添爾

蘇中郎武贈別

浮雲不自主終朝南北馳大漠多悲風吹我日暮時與
子昔歡宴同勉令名垂一朝時運改先後就彫衰貴爲
唐堂集
卷三十二
五言古詩一
十
春華豔賤作秋蓬姿秋蓬諒無根安得不紛飛越鳥有
南思遊子豈不悲努力各自惜畢此平生期恩誼盡卮
酒明發誰共持

卓文君寄遠

靈禽有良匹邕邕叶和鳴奈何拚飛去忽然棄平生鳳
鳥不變音君子不變心故人恩愛重夙昔念同衾明月
在天上流水在地下秦蜀路非遙人心自相阻春風桃
李花綠葉對青枝願爲歲寒友偕老何不宜

班令史固覽古

楚王爲無道信讒誅黃髮并逮其二子兄收弟獨脫張

弓渡大江哀哉餓殍渴腹幹本豐肥胡能忍飢渴江邊
擊絮女懷貞語不發屈節前致詞幸復相存活蒸進膝
前茗杯飯頗麤羈英雄免路殍感激深次骨頰焉面發
紅君子諒不察聊用拯窮困豈望私感切言畢身赴淵
以表平生潔奇行超人外昭昭比日月

張侍中

衡歡情

今夕爲何夕華燈照芳樽潔手奉旨酒微軀以託君體
貌相齊匹閭年亦適均相逢不相樂母乃違青春妾有
錦繡段君有羅綺文錦爲合歡被綺作鴛鴦衲被以覆
君軀衲以藉妾身夙昔爲整設蘇合香芬蓋融融氣息
唐堂集

卷三十一

五言古詩一

十一

動爲懼難自陳明月流中天永夜不可晨亦愁肌體弱
變化爲行雲斯樂唯共喻莫持告他人

蔡中郎

邕賦鳥

微羽有逸姿飛鳴葦苔間飲啄頗自適四顧天壤寬因
風來君囿五色歌衆觀文彩雖騰越形神稍拘攣萬物
皆任運何況一羽翰卉木方向榮聊爲棲宿歡

孔少府

融雜咏

天衢自遼濶白雲起逢逢差峩泰山顛浩氣來長風欲
因風雲際專爲霖雨功周浹無遺澤上與稷卨同二典
誌勲業皇天比崇隆惜遇非其時鬱鬱抱孤踪胡能效

握醜嘿嘿取苟容座上客常滿樽中酒不容願表丈夫
節令聞流無窮

魏武帝挽歌

皇漢丁厄運四海以興戎殺氣兆風角蛾賊滿西東豈
無排時者播遷於元克燔燒洛陽郭新鬼啼故宮百姓
惟裁患所誤在爲邦露齒接道周蒿里不可容誰無親
骨肉流離而路窮祭祀上邱壠昧昧靡適從

徐文學

幹 怨情

房櫳肅深沉寂寥無人語徘徊傷景光春風扇芳樹羅
袂輕埃生鸞釵無復顧委自守空房君自在行路行
久不歸負我情與襟清波無游鱗晴霄無翔羽登樓望
天涯常恐白日暮

唐堂集

卷三十一

五言古詩一

十一

陳記室

琳 遊覽

晶晶天日高風光展閒敞駕言出郊坰攜手眺蒼莽蘭
臺悲秋氣羈人益增愴仰觀陽鳥翔俯聽陰蟲響爲儒
遭離亂立功貴炳朗區區守墳籍何足膺殊獎翳翳桑
榆景催促成已往擇木有棲禽求魚在結網懷抱寄敖
遊廻風掉歸鞅

應文學

揚 侍宴

蓬蒿有小鳥習習難奮飛願言乘春風舉翼上喬枝自

顧微弱質何足依陽暉際會得所託慚愧切鄙私小子
汝穎士貧賤成流離叨承旭日照頓廻幽壑姿結交多
上客公子酌金罍峨峨建章臺雲霞相映輝酒行樂間
作重以瑤華辭遑問日旣昊權心洽隱微芳風盈四座
樂事千載垂

蔡文姬 嘆 悲憤

運否人事屯世亂難自保禮義不蔽身時命天所造憶
昔依膝下憐愛託皇考末途遭殄滅門戶忽如掃亂兵
相剽掠敢復矜美好零落出中閨飄若風中草馬上別
鄉土淚下沾衣巾同行諸女伴貴賤詎能分豈不各有

唐堂集

卷三十二 五言古詩一

三

懷患難同一身相泣復相慰往觀異域春微命亦何惜
溝瀆恐無聞姓名聊諱匿家世恥具陳漢相如天德贖
我以百緡故鄉固可念還顧二子存欲歸則棄兒欲留
懼忘本一心而兩用腸中車輪轉纏縛千萬絲一朝強
截斷割肉委之地忍心獨南返尋我舊井里茫茫隔前
生同時姑姊妹雨散絕音形豈圖弱女子蹤跡如浮萍
往來萬里塗夢不到神京痛定後思痛流淚紛縱橫此
軀雖有託榮華不可矜寄語閨中質修德逢太平

應侍中 珠百一

鬼神體天道福謙且害盈江海能虛受豈與衆水爭人

遊於世途凜若履春冰奚爲當路子豪往殊性情仁義
實根柢富貴如流萍反謂迂者言躋躋昧所稱伊周勲
蓋世欲若革素行借曰矜才美何以爲阿衡龍亢必有
悔聖人錄爲經搖搖風將至慎矣戶牖銘

傅司隸元夜思

秋序人易悲蕭條况遙夜風吹簾帷開延月入亭榭幽
堦蟋蟀語荒除木葉下涼氣感我襟喟焉棄杯炙中庭
步踟躕俯仰悟物化星斗參差間銀漢耿如瀉忽聞孤
鴻唳嚶慄過我舍薄寒方中人微霜落檐罅陰陽潛運
移榮華坐彫謝修名恐未立流年逝不暇

居堂集

卷三十三 五言古詩一

古

孫馮翊亮感別

秋雲拂行旌曉騎嘶長阜友朋恩義篤折此河畔柳人
生非麋鹿焉得長聚首幕府歡盍簪獨行違儕偶愴懷
始今日况乃別離後殷勤千里情盡此盈樽酒古人慎
加餐相期在眷壽萍蓬有會合終當復攜手去矣勿復
悲悲來成衰醜

傅洗馬威贈友

昌朝開泰象茅茹連彙征彈冠追師錫聯袂嘉同升貂
蟬振芬芳珪爵騰光榮矯矯朗陵公功德茂邱陵翩翩
王武子海內垂令名豈惟爲國楨於我猶同生騶虞立

在固鸞鷲相對鳴野鹿徒嘯侶谷鳥念求朋言旋卽林
藪不遑陪廟廷翹慕彤輝間天顏洞丹誠竊需親戚澤
得以遂躬耕尙當爲雷雨浩汗被庶萌庶幾效步趨爰
簡分餘馨

何僕射 劬遊仙

鬱鬱蓬萊山澹澹滄海水雲霞盪曾巔日月行其裏精
氣所貫注出我羨門子騎龍遊八極控鶴瞬萬里渴飲
沆漉漿飢來餐石髓豈屑求靈藥俯睨哂徐市幾見冥
靈枯復笑彭篋死不知甲子數婉變方稚齒夙昔願從
遊汗漫自茲始

唐堂集

卷三十二 五言古詩二

五

張著作 載 七哀

日落天氣陰驅車下長坂莽蒼百里內夜色爲之滿邱
墳塞前途悲吟樵犢返三雄昔鼎峙誅戮日無算白骨
縱橫陳誰歟奠一飯江流猶餘血毛髮委蜀棧能令行
路愁騷屑寒風晚人生無根蒂何況日苦短鬼伯相促
迫國殤肆遊散生前急浮榮旣死萬事懶樵唱勿復終
傍徨使腸斷

潘太常 尼 修禱

節往易感愴春來獨愉怡淥波如膏滑載陽行遲遲何
必溱洧間蘭芍相贈貽洋洋洛水濱傾城出遊嬉芳醪

絡繹進繡幃縱橫馳道旁佳麗女珮鳥不可思清歌鯉
出躍香草蛻交飛及時永娛戲韶光蕩無涯

陸浚儀雲代贈

錦水雙鴛鴦本爲連飛翼分離豈夙願時勢成阻隔念
我同心人對酒忽不懌房櫳虛窈窕衾枕徒晨夕牛女
匪永違何況暫行役幸自保芳華無勞傷遠客素書腸
所結懸爾鏡臺側

石衛尉崇邊怨

掖庭歲月短一朝迫行期生辭鳳凰殿騎馬交河滑綺
繡衝煙埃黃沙染凝脂疇昔在文襪孰料此驅馳瀚海

唐堂集

卷三十一 五言古詩一

六

流我淚陰山顰翠眉安能爲鳴雁隨陽復南飛昔聞高
太后和親賴宗支作偏雅不善遠嫁人痛悲漢宮千萬
人賤妾獨乖離幼爲珠與玉長爲塵與泥生活非所懼
常恐赴死遲魂魄不受約或因朔風歸世人寧我諒皇
天庶鑒茲

張曹椽翰春興

陽暉二三月遲遲麗中天穠桃旣夭灼鶯羽何翩躚昏
旦變氣候風雨妬暄妍綺疏揜寂寞陌上敢流連天意
有虧盈人事無萬全槁葉切秋恨落英爲春憐光陰促
壺漏斗酒娛目前名與身孰急逝將去時賢

曹司馬聽感舊

結交道已薄人意如濤波豈直死生異已由貴賤差主
父憾仕晚季子重金多廷尉但羅雀故侯唯種瓜情態
異涼熱使我涕滂沱昔與金貂遊今唯韋布過邂逅折
芳馨契濶吟棣華莫謂蓬藿鄙金石猶商歌寄語雲霄
士塗泥當奈何

王散騎贊羈愁

昨夜微霜下今晨起鄉愁嗟我久西役不及水東流側
身望吾土道里阻且修水程少歸權登陸無行轉粟薪
伊可懷簡書切殷憂日暮鳴笳奏能令華髮秋

唐堂集

卷三十一 五言古詩一

七

袁東郡宏咏史

文詞推三閭武功誇伍員既使魚腹埋或令鴟夷殉至
今江濤聲日夜注冤憤丈夫謀伯越屬鏤飲餘糧王孫
力興漢鍾室以蹈刃成敗總隕身興衰任國運子身而
事主仕已奚喜愠但求聲名垂灰燼固其分

支道人通讚佛

麥秋祥風至花雨滿珠林鐘磬發靈響獅象奏妙音巍
峩釋迦佛生辰屬在今法雲簇五色結跏坐其陰莊嚴
百寶相彌天相照臨芬馥吹青蓮璀璨開黃金揚着明
珂雪轉喉流唄吟十惱既破除三明亦研深拈華迦葉

笑說法震旦欽優曇耀綵碧靈鷲聳欹欽香煙結空界
梵語清人心齊志皈彼岸賴以免浮沉

謝豫章瞻飲餞

西江茂收伯南樓劇懽宴雙帆分修途百壺共芳餞
圓曦麗層欄輕霞度崇院繾繾風月佳躑躅湖山變驪駒
發水滋丹鳳迓京縣聚跡念呦鹿差羽感頰燕襟袂悵
今離顏色記後見上客蓬仙班賢主鎮雄甸內知聖席
前外愜仁風扇忝竊廁同寮握手厯留戀歌詩慙吉甫
當筵聊用薦

王太常僧達答贈

唐堂集 卷三十一 五言古詩一 六

西京重枚叔鄴下尊仲宣高文足華國鴻筆能揆天近
世誰方駕夫子實齊肩妙手纂雜組雕績窮華鮮開緘
對瑤什百朋殺我前榮光溢几席香風生簡編陰雲廻
陽煦寒谷起春煙弄以白玉筍薰以黃金荃百過相諷
詠出口珍珠圓藉非好我甚子墨豈曲傳鳴翮效鸞音
鉛刀逐龍淵何必有耳目始能辨媮妍

范詹事勝扈遊

山川麗霞日草木熙陽光物盛天宇濶境靈地脈長一
人美遊豫百爾集冠裳繡卉扶輦道玉露零廻塘禽魚
希靈囿簫鼓準長楊攜酒錦鞵煖凌波畫鷁涼和鈴響

花外繚旒自飛揚小臣際盛遇黽勉陪明良翰墨慙賦藻枯杓霑醴香勝事難殫述拜稽誦無疆

王中書融 邸園

勝地隣鹿園賢藩剖鳳沼風攜梁苑清月引蘇臺皓褰幔攬芳煙綠波摘春藻聲知黃鳥嬌鱗見青松老金碧成繪畫陂陀入賦藁樓藏仙真跡磴轉蓬瀛道昕夕棲此中快焉展懷抱

謝宣城眺 郡齋

爲政不辭拙簿書多從容旣見霜卉繁復覺寒日融崇樓延煙景廣庭少吏蹤陵陽爲列屏敬亭入疎窗頗忻唐堂集 卷三十一 五言古詩一 九
泉石致兼攝軒冕中何用臥巖壑始與嘉遜同憑闌周四望歲事知稍豐禾菽登場圃春酒樂我農治化積基月愧未臻淳風

咏懷

東海有膏土沃澤生青楊雨露培其顛柯葉扶其旁未久土膏竭童然在荒涼豈曰無同根翻成杖杜傷培植已無主所遭皆斧斤霜雪况摧壓安望邀春陽徒守松柏心肯入桃李場

寒夜

落日暝雙扉翛然謝塵俗東方寒月色墮影在牆曲庭

柯無榮姿風靜轉淒肅仰觀瓦上霜側聽鄰右柚愴然
念無衣卒歲計局促世態奪氣候一時變涼燠幽懷匿
深夜天日不我燭哀吟動棲禽磔磔起圍竹

唐堂集

卷三十一 五言古詩一

三

唐堂集卷三十三

華亭黃之雋石牧

五言古詩二

蠶女

浙中盛蠶事吾邑無之
故作此詩歸示鄉里

纏綿身上衣辛苦千萬緒鮮衣盛服人聽我歌蠶女蠶
女十六七嫁夫結鴛侶作家甘勤劬歲寒秉機杼三月
蠶事起樹上黃鸝語妝成不出遊垂簾理筐筥蠶生先
後齊蠶飢當啖茹金環約皓腕采桑往東墅道逢遊冶
郎低鬟首不舉還家剪綠葉哺飼順時序圍爐溼氣驅
密室旁風拒颯颯食葉聲急雨響蘆渚忙月倩女伴來助

唐堂集

卷三十三 五言古詩二

一

蠶事者俗
謂之忙月

相助為黨與嬌軀本羸弱勉奮腰背繁紅

枝上稀不知春已去寢食於斯寶

養蠶家呼
蠶為寶

何暇相延

佇三俯三起時插簇一尺許微蟲競効命吐絲自藏褚
數日繭乃成滿屋白湑湑桑根釜下炊繭子釜中煮織
手抽不遲併合五六縷牽引上線車軋軋無所阻宛轉
動清響家家弄新暑新絲皎於雪十倍麻與紵蛾蛹為
夫妻拍拍相狎處產子實蕃息浴種藏善所促織鳴東
廂流黃照秋炬織帛已成疋寒來不愁禦西鄰養蠶婦
衣裙蔽榮苧借問何為爾蠶月運齟齬苦練一筐絲賤
價售商旅本以完官稅豪右責逋精公私償不足且用

飽吏胥叶上一絲不到身奚望篋笥貯同力蠶桑務脈
脈愛酸楚霜風遠相尋淚下不及杼

遺緒五十韻

孟夏風日佳碧宇淨如滌薜砌延清芬蕉窗鎖閒寂霽
情如春蕩爽氣似秋滴榴英吐新嬌衫子紅的的梅實
裹新酸羞澀未耐聾艸蔦匝地開離離五色鷓樹午萬
籟靜牆角起喧闐乃是三四鳥振羽花間敵不知爭何
巢無乃護餘殂坐變嬌啼聲啁啾鬪樊鄴續續飛出牆
知我愛幽閑黃蝶翩然來殷勤若相覓記得桃花邊夢
中與爾覲無言但飛舞舞過繚垣甕綠陰亦以移青蟲

唐堂集

卷三十三 五言古詩二

二

亦以趨脈脈感微吟有句其誰摘賤待何人分鉢復無
與擊宮端往迎 鑾吳閭至無錫艸莽恭賦詩集唐頗
愜適未敢獻 行在追隨權江艦唯日對學徒經義相
辨析不辭督課勞慙未奏微勤臥閨邊韶笥行歌魏武
檣簾垂遲日過門響迴風激愴兮忽不怡案頭檢時歷
出門日已久內願心轉感辛勤仗婦健仰事哀母媪厨
下桂難爇市土玉難糴未知炊烟中何以充晨浙阿度
讀古文疑奧可搜別膝患倘未痊藥椀慎餘瀝阿音亦
穉羸莫嫌塾舍逃口吃誦論孟曾否清歷歷阿才甫識
字姿貌潔白皆念此三籬者哺飼兼訓迪未知吾伊中

何以免飢怒逋稅况及期其急同霹靂未知空囊中何
以應縣檄篋諒無可搜釜料不煩櫟應難賴麥秋或者
倚紡績羅衣典已盡絺葛貴阿緡何物成單袷天氣漸
炎燄圃蔬淮灌漑庭蔓在瓦礫過此櫻笋候月令又鳴
鷓空局未有棊蓮子苦藏葯強近徒期功貧賤豈親戚
愁予四方志寸心碎如春花下嬾銜卮月邊怕聞笛朋
聚雜歡笑人散動憂惕遺緒如蠶絲抽繹滿東壁

感興

明月不自愛狼籍照我帷窗櫺西向斜漸覺東向移遙
夜轉乙丙幽懷長與隨可憐一寸心愁苗種千絲夢苦
向牀訴淚酸惟枕知筋骨本脆弱何忍見戕摧一身憂
所都無計相攻治達觀有莊列逝矣不可追

潘氏姊妹雙節詩

姊適徐蚤寡無子妹適張生子一月而孤同還母家守節

一川畜清源孕出珠與玉一壑凝寒威鍊成松與竹富
林雙貞女皎若二曜燭駢柯苗一根勁節壓兩族同氣
亦同命唱和吟寡鵠徒勞父母嫁仍就昆弟蓄依稀小
年時深閣相徵逐而無團圓歡暗淚分所哭非無雌鳩
匹雙雌竟同宿非無鳩鳩心孤雛互相育冰霜聚作堆
萬夜浸衾褥直是鑄兩鐵豈曰骨與肉江東大小喬鉛
華釀吳俗天壤得二潘春妍化秋肅

坐香答寄顧良哉

結交貴忘形文章貴有靈顧子兼得之卓為我范型緬
昔子與予南北棲滄溟百里阻秦蜀文字作五丁秋蟬
夢或遇春鳥嚶可聽何當一傾蓋清言洗時腥邂逅孔
子宮聚跡如聚萍并識哲兄面玉立雙亭亭以一而得
二自忘其伶仃道義照肝膈至今心勒銘飄飄為飢驅
散跡如散星暢叙天所靳警歎難數聆昨過京兆室几
上光晶熒就視是君詩懷我揚孤馨袖致瑤華歸糊讀
座右屏豈無懷君詠筆札無勁翎安得傍文窗化為照

書螢

唐堂集

卷三十三 五言古詩二

四

宣城梅淑伊投滿聽樓詩賦贈

北樓景元暉敬亭緬太白風流卓千古騷雅此其宅山
川通白雲翩然遇嘉客恍登滿聽樓風雨起瑤席斯事
屬君家都官美無敵淵源深以遠沿波討三百崇蘭苗
芳芽高岡孕良璧吐采為雲霞光燄乃四射習習谷中
鳥嚶鳴求其匹長離一顧盼捨榆欣鼓翼

陳峻齋儀部招遊西園觀荷三首

歎雲蒸太虛西園隔紅日神往心已涼矧復履其室略
徇通廊迂檀欒蔭階密埃壒杳不到衫履復何必一身
坐香中頓覺炎氛失水風翻綠衣淩波豔妝出洛神不

見襍湘靈不聞瑟坐久知菡萏臉際麗無匹澣却脂粉
姿媚作冰雪質我欲從之遊所愁泥沒膝詎忍采蓮花
聊與采蓮實

蓮實何暑柯噍之齒沁香竹風亦蕭疎披之腋生涼不
知屋梁外何處流太陽主人最愛客茶瓜繼酒漿列坐
雙楸枰兩兩分封疆以爲銷暑謀兼作藥倦方晻藹金
塘東梧陰如繖張樓臺亞嵐翠簾檻縈波光身爲蓮花
牽諸勝歷未詳蟬嘶境逾靜魚戲機相忘始信方蓬瀛
一日兩日長

日長亦西匿月望未東吐窗窗豁玲瓏面面撤屏樹尊
唐堂集

卷三十三

五言古詩二

五

壘羅當中碧筩勸賓主豈但予滯留酒徒添四五頭濡
大戶喧拇戰深杯賭荷華暝侍旁若欲笑起舞嗤彼後
來客聞香日未覩忽覺侵坐寒遠聲到風雨蘭釭焰欲
滅荷葉響可數老樹戛修篁颯颯震一圃四顧天地墨
疑在曠野聚此飲擅奇絕河朔不在古

平山堂

暝烟橫蜀岡仄日下平地頗覺光景促不憚筇屐勤巍
峩平山堂登椒幸一至歐陽疑未遠堂前有高位許我
賓主對不則弟子侍南望江南山環堂貢蒼翠右渝第
五泉左轟大明寺風流變陵谷月明少歌吹蕭條隋大

業寂寞杜書記唯留少師跡所傳山水意我遊燭未秉
光黑碑上字疎林度昏鍾寒衲渴宵睡揖客出門外雙
闔杳深闕隔斷秋靄中如從碧空墜

渡淮

曩讀嶽瀆經曾識淮神狀其貌略肖猴其力遠踰象白
首而青軀肆與大禹抗大禹命庚辰一戰扼其吭械寘
龜山足淮流始無恙繼聞李唐時鐵鎖動層浪牽出千
尋淵神氣稍頽喪矇若睡未醒腥涎不可向橫目忽怒
張劃如礮礮亮迴身踏波去千載滅形相我昔未渡淮
意謂險無量今來皆安瀾蘆花映秋舫上水雖遲迴中
居堂集

卷三十三 五言古詩二

六

流頗恬暢明德溯夏后恩波沛

今上翠華頻泣止睿慮出獨創南幸兩河翕東之百川
障陽侯馮夷徒頽首效歸嚮矧此怪物潛欲逞復何望
行人擊楫渡商文扣舷唱明月萬古流與秋互搖漾

舟行漫興

天意不爲薄念此秋中人一路垂白日輝光伴我身不
知寒氣來但覺舟生春盤迴究徐境頗與山水親白雲
冠連岡澄湖皎圖潏羣鳧蔽洲黑帆過警不馴敗葉想
芙蕖漁艇行皴皴平原歇芳草黃犢齧已頻翳翳十里
陰官柳搖通津望之浮綠煙誰云霜降辰水村皆入古

津市亦爭新山左今有年詎比曩歲貧小戶飽魚蝦華
屋饒蛾螻悠悠道旁子鴻雁爲主賓常恐西風至木葉
飄河澗爲客心易悲行路味多辛努力愛光景毋爲負
青旻

謁仲衛公廟

在城南四
十里仲家淺

含乳讀魯論衛公我所師安得千載前相對展鬚眉飄
颻到東魯始謁夫子祠門前寒水流屋上靈風吹虬柏
蔭廣庭龍章揭高楹升堂拜稽首陟降儼在茲剛氣本
浩然宇宙藉綱維生爲素王輔學術無寸施踟躕荒津
口蕭瑟旅眠時滄溟不可渡吾道誠何爲木戟與蒲弓
唐堂集

卷三十三

五言古詩二

七

貽孝令人悲

仲子崔報父仇事
見師覺授孝子傳

論德豈論遇名與天壤

垂冕旒爵上公何足榮毫釐夙志在高景門牆幸不麾
瞻戀未能去坐令揚帆遲

題吳季子挂劍處

在東阿之張秋或云
在泗州此傳會也

涼風肅古樹葉滿徐君墓枝頭劍已無行人尙迴顧至
今一杯土生草亦劍形

地生劍草
赤名挂劍

惜我逢秋霜不見攏

頭青徘徊高臺上白日與影語古道非面朋寸心向誰
許魚腸殉闔閭屬鏤賜伍胥吳劍久已辱寒芒此不如
列國多佳士願識吳公子徐君失其名因依今不死我
行齊魯間相識無一人牀頭劍鏽澀劓緜生埃塵

白楊

何處見花竹愁人多白楊陰陰墟墓間閃閃叢祠旁
滅葉相戛蕭蕭聲作涼千里悲風來齊魯非吾鄉行舟
悵長川泊岸悽夕陽客心無俚賴倚樹以傍徨

病寓泊頭鎮陳院長書來賦此却寄

孟冬寒氣烈弱體蚤見侵爰與牀蓐近不知道路深舍
舟卽陸時疾病正昏沈同行爲我悲相顧淚霑襟假館
事醫禱良友

姚君大章

竭惴忱雖覺徐向瘳俛仰內傷心住

且匱囊篋行復畏崎嶇俄聞京使來如獲千黃金入將
主人命示我瑤華音知寒貽以裘知羸餽以葭枕上起

唐堂集

卷三十三

五言古詩二

八

稽首高厚敢不欽昨受醫士戒慎勿爲詩淫此夕啓雙
魚油然發清吟矯首湖北風恨非兩翼禽踟躕不能寐
燭花照孤衾

周寒谿太史惠投印須集賦贈

諸體皆委流五言滌其祖漢魏晉宋來作者炳可數有
唐起陳李龔斷入先矩杜陵肆渾灝傑者追樂府頗疑
歷下言謂唐有其古持論毋乃苛詎能厭李杜昨諷印
須集筆歌而墨舞登涉探性靈楷穎畫風土三千里煙
雲約束字唯五鐵堂石櫃閒孰辨非工部走也來京師
秋冬困檣艣紀行有萍歷欵乃河之澗其篇逾百丁其

體錯參伍嘿嘿慙巴歛遲遲就郢斧長城屹當前偏師
竭三鼓

投贈查悔餘太史三首

雲日天所著彩藻終古新葩卉地所作生態環秋春人
文麗兩開雅南振先民代傳本無盡在火豈在薪 國
朝倡龔吳變現李唐身新城曰予責隻手開陶鈞詩脈
續不斷先生超其倫

羣倫無異形所異在靈府磨此一片心鑿文利斤斧少
壯志闕覽天工仗筆補翩然翔梧庭采采振鳳羽聲華
九重達光燄萬丈吐瓊頰欣同朝勛勳競接武彼蒼嗜
唐堂集 卷三十三 五言古詩二 九

風雅奎璧聚庭戶
朱戶敞京洛贄文者如雲或以鏐就冶或以聖待斤嗟
予羈旅賤名未沾齒芬有甌不勝覆有硯不勝焚雷門
發噌吰布鼓聲不聞挾冊今何之飢渴願方殷安得雕
蟲技寵以雕龍文

寒谿索咏蝦蟆石用昌黎韻

造物呈匠巧斲石肖蟲貌取諸神意間不在纖悉較股
脚箕兩襠腹背磊羣炮困蠢頤脰縮勢欲奮泥淖躑躅
無跳趨嘿嘿少聒鬧懷土夫何爲說法未可教來與硯
滴伍坐寐不知覺我飲太史齋日落燈燄爆摩挲以示

予乍疑出池蛟魚有辟蠹功蟹有治目效零陵鷺翻翻
南海蛇枉撓地骨幻衆生以供人網罩此物似尤酷摹
寫豈但稍得之湍激中洵屬知者樂什襲等印鵲索題
媿管豹鄒枚賦長物惜不遇梁孝曰產蝦蟆培吾欲理
楚權

辛卯歲秋將適粵西答陸勉之送行之作

落葉風與飛浮萍水與流豈不偶聚合蹤跡難自謀窶
子甘依人中懷集百憂忍心遠骨肉強顏對甥儔與君
隔吳越傾蓋由薊邱謂當同所趨方駕雲龍遊皇天虐
寒峻鉏削等寇讎坐令春榮姿紛紛墮漂秋君年尙及
唐堂集

卷三十三

五言古詩二

十

壯一收奚足羞南鵬六月息燕駿千金求京洛有舊友
薦雄豈無由嗟予爲飢驅身輕如浮鷗桂林豈云樂道
里方阻修赴之如赴家江南夢悠悠箠馬出國門吾去
子獨留人生非鹿豕而能長聚不慷慨腸自剛忽作繞
指柔因君涓城曲生我別離愁

寄謝皆人

別君數千里一昔夢見之依然宣武門把臂送行時覺
後問明月去來俱不知

寄儲禮執太史汜雲孝廉昆季

昨予燕市遊非以銜駿骨欲尋慷慨士悲歌相激發古

入渺不作千載風流歇同心二三子聚散復倉卒雍容
廟堂器接武在纓笏自顧非其人去若避箭鵲天匠斲
巖洞秘巧藏百粵留待好事者筆力搜突兀蕭蕭易水
風吹我萬里軌駐馬以北望青雲浮金闕念我素心人
夜夜共明月勿謂踪跡疎相思路荒忽

信陽州用杜陵發秦州韻

忍以鄉國夢改爲道路謀行行不得遲馬首信陽州山
路雜凹凸天氣兼冬秋登陟頗期暢惜少巖壑幽壤境
接南服風景荒西疇人煙渺何許名勝無可求求蔭路
無木求渡溪無舟不知千古人胡爲嗜遠遊作客鬢易
唐堂集

卷三十三 五言古詩二

十一

白苗若春草稠得意隨境樂失意隨境憂不見金臺邊
獻策羣見收白馬黃金鞍燕玉相款留同是天所生奚
獨命壓頭萍蓬諒無蒂隨風自飄流不如攜美酒到處
堪拍浮大醉看紅日晴空去悠悠

新鄭古槐

在關侯
祠內

靈祠蔽寒莽古槐肆拏攫五龍蟠其顛六鼇指其脚晴
天嘯陰氣况復日西薄瘦突銅色青膚立雷燄爍中空
而有物屬曩露獰惡翹負六尺碑嵌巖樹中著剛堅勢
欲出不肯受束約碑爲樹之腸樹作碑之膜歲久雨露
滋生意轉磅礴枯皮長腴肉包石以爲橐一面幸猶缺

捫字識其略云自前朝時魃爲許鄭虐有令禱此槐霹
靈樹間作滂沱集頃刻百里療焚灼再拜號曰神銘功
事刊鑿嗟彼衣冠子草木伴榮落峩峩神槐尊操此造
化鑰年壽遠曷稽狀貌偉可愕老衲敬守護過客慎談
謹不然風雨中拔地入寥廓

獨秀山

怪哉獨秀山筆立五百尺四面削作方一骨聳而瘠團
結旣渾敦堆皺頗劈劃根株深幾許出土若筍拆更無
旁峰緣但見純石積不知造化初誰矧此奇格女媧補
天時曾鍊蒼黑石意者不中裁荒微供一擲不然奠地

屠堂集

卷三十三 五言古詩二

七

時鼈足爲柱碣意者地脉薄撐破出一隻我來遊其下
恫怛鬼神跡鼓勇試一躋磴齒僅銜舄如行螺殼中愈
轉愈逼迫如登浮圖上盤旋造其脊遐攬巖列屏俯矚
江繞帛圍屢儼圖畫隴吠類茵席所苦山頂狹舉步愁
跼踏目或不敢縱臂亦必須掖下山勢陡峭儼捷誇衆
客我旣平地坐客尙半山隔巽隅敞巖穴大於一畝宅
郡守顏延之於此誦墳籍千載令人慨風流幾沿革歎
惜此瑰奇岑寂處荒僻

桂山

卽蚤
綠巖

疑是渾沌初洪波蹙層浪剛風吹腹堅沓作三青嶂突

五嶽陸中魁堆孤城上連巒忽破碎斷岫迫倚傍寺門
補其隙橙道斲巧匠折旋出殿陰洞口哆巨吮陰風濟
虛竅暑遊思挾纈鞠躬委巷行一曲穿朗暢洞背豁門
戶哈呀正北嚮馬殷此築臺蕪沒起惆悵後人無坐處
煙霞負供養怪石勢將落骨節太奇創側視築綠垣對
面轉屏障修江從南來春風綠微漲愴兮而忘歸此中
兼輿曠

棲霞洞

在七
星巖

生著幾兩屐此洞殊未經帝儵太逞巧鑿竅穿瓏玲設
待萬里客逍遙駐遊輶縛炬以當日始入光未熒白乃

唐堂集

卷三十三

五言古詩二

七

生於虛耳目紛眺聽石脉結鍾乳歲久皆下零二里浴
曲折百幻模儀形如魚躍層波如柳插淨瓶如犀仰望
月如鳳俯刷翎如獅體黑白如馬身丹青如佛坐蒲團
如女窺畫屏如設禪榻穩如曬魚網腥如櫻復如荔果
蘇羅竈陘如罽復如毯纓絡懸窗櫺如蟾狀皴炮如磬
聲琮玕又如蕊珠榜高張於廣廷又如須彌山倒挂不
得寧

以上道士所
擬洞中百景

寸步異燥濕折旋殊徑庭杳默昧前

途導者費叮嚀濶如千履倣窄如重戶局高如仰蒼昊
庫如入幽囹縱足不數武斂抑何矜躄戒心在潭壑龍
潛如蠅蜒當其寬廣時四望俱晦暝束炬光不發照身

如秋螢石痕皆波濤洶如泛滄溟瀕洞出陰氣幽昏淵
日星天門詖蕩開凜如遇仙靈徘徊願此憇學道延長
齡我友不同志急走無暫停謂當青天中何久處冥冥
豁如夜初旦隙光射簷瓦繞出仙人田流水縈半汀石
梁當我前出洞風泠泠回首不可思悵如春夢醒飄飄
衣袂濕猶帶烟霞馨不知人間世階葉換幾莫

劉僊巖

策馬出南門土塚何纍纍何不學劉僊餐霞噉紫芝僊
人各仲遠白鶴當馬騎飛去六百年遺跡峙江湄洞留
雲房址巖虛丹竈基我來悵已晚竹樹風參差白日靜
空山蕭條難見之道人太真樸雙髻古須着酌我園中
茗示我崖上碑導我舒遠眺山拱怪奇引我窺幽踪
穴穴生然疑仰瞻高峰顛徑路絕屣屣御風彼何人我
獨不得追塵鞅困道念安能此棲遲

白龍洞

在劉仙巖後

其陽仙所居其陰龍所窟石穴穹以幽想見龍出沒作
其鱗之而石膚剝凹凸痕猶挾雷雨勢尙翻溟渤攫石
如攫泥龍力故超越此其飛騰時鬣爪之所搯我來畏
久留四顧恫荒忽曩龍倘來歸縮胸幻軀骨嫌人笑語
聲無乃起唐突屏息出石戶神氣慘不發南溪水涓涓

晴雲色青滑暢然怡我情春風吹短髮

舜山

濺濺皇澤灣我我韶音洞迨迨珠邱雲杳杳湘瑟夢蕭蕭
蕭竹枝寒謾謾松影動再拜帝祠下默默立僧衆上陟
南薰亭嵐氣微畫棟倘聞風雨夜靈來五絃弄歎息猶
命夔飛揚想儀鳳徬徨俛軒楹江流瀉春東仰視高嗟
哦羽翼不可狃嬖姍懸崖間薛碑略堪諷攬勝我所急
山水軼禹貢東望有堯山逝將騁遊鞍

隱山六洞

山水有顯晦冥冥司其權天心惡靈異湮鬱唐以前李

唐堂集

卷三十三

五言古詩二

五

渤經營初名勝遂爛然澄湖繞廣麓華榭羅高巔尊俎
盛賓幕笙歌集妓船不知何王代廢湖以爲田忍令六
洞奇寂寞委荒煙駕言出西郭訪古諮執鞭誰識隱山
名姑往搜洞天駁薛出數字廢基無一椽峰巒尙怪峭
巖穴仍幽妍朝陽旣東闕夕陽復西穿偏側窺白雀瓏
玲豁嘉蓮南華涵清波北牖涵澗泉門門各分嚮中有
暗路連惜無束縑資遂慳深入緣山靈解留客客去猶
盤旋胡爲此邦人筇屐久棄捐俛仰發深慨因之私自
憐遭際人所爲奇質終不遷

水月洞

桂林山多骨厥土唯堯山綿亘出雲雨太古高屨顏出
郭二十里歇馬松聲間鼓勇奮我足揮汗力不孱巖腰
野花垂猩紅錯紫殷懸泉若紳帶瀉澗鳴淙潺巒巒石
磴濕措履不得閒上陟謁堯廟老衲斜稜斑嚮聞兵燹
後此地叢神姦白晝獍劫人昏黑虎往還此衲年少時
趨健能翹關持刀逐猛獸制梃撻悍蠻保護十笏地不
復委茅菅廟前天子田計畝直一緩平疇搖新綠不知
水旱艱靈源爲灌溉頰笑童阜頑他山紛獻奇側媚擁
煙鬟顧此若曾祖各就兒孫班

粵中送范耕南旋里葬親兼寄春江澱山入

唐堂集

卷三十三

五言古詩二

七

相契膠與漆相思兼與葭舊雨隔萬里相逢在天涯開
口吐離懷空涌出齒牙有時嘿無言相對窗月斜知已
聚斯夕在客如在家穆穆孝友風披拂到荒遐同有風
木憾蓬轉每自嗟先人未窀穸心痛難搔爬見君今所
爲胡能不羨誇著鞭每先我倏忽脂行車秋風吹遙山
薄日照幽花噫噫南雁飛子影愁棲鴟羣季相問訊道
予雙髻華

送朱江佩

男兒貴特立依人非本謀當其未得志出處豈自由家
鄉雖云樂飢來驅遠遊山川雖云樂羈旅懷百憂君心

吾所知他人謂何求粵行半歲餘詩卷塞扁舟小半誌
勝覽大半訴旅愁丈夫貧賤時何往無悔尤所賴得賢
主相忘在遐陬歸計何促迫不住乃掉頭古之河梁人
傷心相唱酬去住各努力別淚安足流

紅葉

生平見紅葉蕭瑟意所關况此江上楓迎我瀟湘間孟
冬霜殺草蓀直同茅菅鬱鬱林中樹妍姿弄朱殷天染
楚江色以壯遊子顏削岸石怪峭瀉磯水潺湲滿眼皆
離騷風日幽且閒謝爾林巒意殷勤送我還

癸巳歲五月再往粵西道出嚴衢用康樂韻三首

唐堂集

卷三十三

五言古詩二

六

稟姿嗜岑寂人事拙驅馳處則萎遠志出則嗔子規胡
然蓬蘽質佺偃適路歧種學耨紙田汲古鑿硯池出疆
載何物江舸勞遷移途憶富春歲暮霜雪垂山水綠
太重條忽復至斯流光擲道路貧賤輕天涯行役豈云
樂勿使嚴陵知

凌晨逐浪征薄暝傍煙歇羲輪何所迫皇皇事出沒晴
暉燦江介濃綠照眉髮薰風解客心每從帆際發川巒
溯三衢草樹繁五月故國已遠吳前路漸辭越元豹違
南山丹鳳阻北闕隱顯兩無與身名付悠悠縱有登臨
歡勝遊安足伐

浮雲蒸野山釀雨濯炎暉涼生煙樹中樵牧猶未歸石
灘太浦淺遊魚何細微翕蓬隘所眺屈首藏陰霏同行
三四舟密若昆弟依天宇濕不斷幕我舫中扉坐令咫
尺人邈若千里違黑黑領爽氣霖霖難逆推

舟泊南昌夜雨同雁黃上人談

雨從西山來訪我到蓬竹作陣有輕重叶風爲斷續水
涼拍窗進陰氣昏短燭不知城柝深但覺爐燼速旅泊
人易愁吐語雜歌哭胡爲逃禪者了不生感觸朗吟得
意句體適若在屋頹影澹深夜雨歇話未足

徐叙九擬攜榼滕王閣不果其夕招飲舟中值暴

唐堂集

卷三十三

五言古詩二

五

風雨

地主違閭公印友獲徐穉置舟南浦間最得秋水意何
妨舟代閣片篷攝遙翠一幕幸借天四座不踏地江山
眼中景不待招已致黑雲藏妒心忽催落霞避忽挾怒
雨來忽挈顛風至船窗不暇掩頭上過萬騎照人杖隙
電燭滅濕紅淚神靈鬪兩舷盛氣不可制疑鑿篷背入
來看我曹醉我曹自聚飲何預天公事直可令髮白豈
唯使心悸坐客且勿悸餘涼滌炎熾旣足勸夜酣復料
妥宵寐子安吟秋筵此景寫未備

一葦爐其中葦葉裏顛末縱之漣漪內風吹如權撥有
螳懷遠征穴葦以爲闔窺明竅兩傍逼仄夫軒豁時運
當三伏湘楚驕女魅日煮水如沸一葦困炎渴喘蠕聚
數螳雜沓細可撮諒既非胡越中况有瓜葛同病相矜
隣胡能復嗔喝旋轉規黍地奮擲難自拔唯苦眠食艱
詎知雲水濶庶幾夜釀陰或待雨吹沫延緣出葦傍暫
從涼處活

予自四月辭家赴粵既歷閩五今六月尙在途中
悵然有作

月令雙逢午歷頭三換朔四時失其一舟行殊未覺光

序堂集

卷三十三

五言古詩二

三

陰閃夜電儵忽不可捉人生幾寒暑棄擲豈堪數烈士
懷壯心方寸起五嶽借曰山川佳何暇往振濯山川而
能語知且肆評駁廊廟亦聘珍林泉亦完璞胡爲老行
役精氣徒自斲

黃昏暴風泊舟大江口

油雲發濃黑天額抹廣帕載龍以爲陣颺輪四激射望
之千里遙忽到目睫下欲掃羣山平喝浪使倒瀉竹樹
嘯萬鬼陰氣聚悲詫聲混百種奇色染十層夜與天隔
片篷出恐壓龍脰一濟衆竅虛淒寒不成夏風過月來

喧艱難走雲罅

兵書峽

在永州東安縣

危壁削峭鐵脚入水橫插標致頗詭奇問是兵書峽書
飛黑鳥跡劍脫白龍甲石罅圻一線二寶併在匣藏自
武鄉侯親手署封押後人儻竊窺怒霆起一霎聞言供
莞爾天量何太狹三國况屬吳不奉孔明劄陣圖及心
書萬古著兵法豈有他秘巧尚煩蘊遺策長嘯不置辨
聊與泉石狎吾欲耕白雲借此礪鉏鍤

甲午歲人日登疊綵獨秀諸峰

粵山小而銳其味若橄欖酸澀中有甘未厭百回噉茲
山入我目不知幾眺覽陟彼頗艱辛久乃豁心膽煙雲
唐堂集

卷三十三

五言古詩二

三

匿天末刻露不及揜嶺表氣候先春原綠如毯旅人驚
節物能無發深感訪山若訪友相對慰頗領不憚屢命
駕交情未以澹

桃李花

人穀春甫新桃李紛媚客花花相對開脂紅而粉白我
生四十餘歲寒迫松柏春華亦不榮秋實亦不獲桃李
何太蚤松柏何太遲搔首問青天天對曰不知

答毛進士姬潢三首

扶搖不在天近在桂山下桂山天所斲以備賢者顧清
廟明堂人民社待甘澍暫以六月息來關茅塞路桂山

夜有光愧予隔煙霧

桂霧何霏霏灘水何淙淙灘水頗清淺安能及越江百
川使東之源出太史公西河先生傳經敵四庫著作妙無雙

家學為國華華掌奚足容時主華掌書院

華掌久痛嘿忽多弦誦音時雨灑春風散入草木心有
叩鐘則應擲我瑤華墜遂令萬丈光自粵照江南燕石
慙不貴曷以酬美琛

湘水

昔來湘水淺今去湘水深水淺舟楫艱清徹悅我心水
深色昏濁行舟無滯淫物理鮮兩愜是非移昨今

唐堂集

卷三十三 五言古詩二

五

昔來湘水淺今去湘水深水淺舟楫艱清徹悅我心水
深色昏濁行舟無滯淫物理鮮兩愜是非移昨今

不貴曷以酬美琛

昔來湘水淺今去湘水深水淺舟楫艱清徹悅我心水
深色昏濁行舟無滯淫物理鮮兩愜是非移昨今

昔來湘水淺今去湘水深水淺舟楫艱清徹悅我心水
深色昏濁行舟無滯淫物理鮮兩愜是非移昨今

昔來湘水淺今去湘水深水淺舟楫艱清徹悅我心水
深色昏濁行舟無滯淫物理鮮兩愜是非移昨今

唐堂集卷三十四

華亭 黃之雋 石牧

五言古詩三

路舒馭招賞菊花以采菊東籬下爲韻五首

皇天埋瑰姿不使發春蕾何以久寂寞仰詰造化宰黃
華秉正色詎受妖女採秋亦天之秋欲待姑卽待
月令載鞠名鞠卽今之菊鞠以窮取義宜不入暄燠涼
秋衆芳歇一瞽冶遊日始於風塵外物色到幽馥
菊笑種菊者覩自比陶公屠狗卽舞陽沽酒皆臨叩求
不媿騷雅聽雪軒之東其次招隱處頗足柴桑風

唐堂集

卷三十四

五言古詩三

一

吾坐聽雪軒舉酒酌霜枝對之一慟哭開花欲媚誰歲
晏天已老始弄十色姿不遜於空谷甘心寄人籬
菊曰主人賢綠尊紅燭下士爲知己死女爲悅已嫁皇
天厄我遲遲榮亦遲謝萬物各有時努力莫悲詫

刈圃中草

勁草欺我弱公然豐一春奪我瓜壺塲桀桀高隱身梅
兩北陰風潤澤相鮮新雖當夏長時胡能庸我仁呼童
厲兩釧刈爲百束薪坐令蒼蔚區曠若熨斗伸位置我
嘉蔬呈露我貞筠廓清摧陷力老圃誇經綸

灌王瓜籬豆諸蔬

昔逮養親日灌園佐擊鮮
親亡事奔走忽忽二十年
倦遊迂衡門老圃聊息肩
修我灌園業情事悅如前
汲水諒非水清淚同涓涓
此蔬親不待此圃親所傳
終作抱甕身五鼎未列筵
瓜瓠如有知爲我根蔓牽
蔓則破蒼天根則入黃泉
以告我父母貧賤子可憐
瓜瓠莫結子有子亦徒然

舟夕

晚山發寒霽遠樹淨如沐
日落飛鳥斷扁舟我行獨
矻矻上水遲潏潏淺流燈
擘擘歲已暮胡爲事旅宿
豈無婦子歡圍爐聚茅屋
忍心別之出與居恃一僕
借曰爲熾火煮醯醢長吟
和灘聲風消半邊燭

喜堂集

卷三十四

五言古詩三

二

攬勝往還已三復借曰爲賢勞
朝籍未沾祿意者爲飢驅
麇寒覓斗粟此身不自主
光陰擲水陸曷以滌羈愁
熾火煮醯醢長吟和灘聲
風消半邊燭

合江亭次韓韻

有序

亭在衡州石鼓書院甲午歲五月予粵歸過此大風
雨夕艤舟急流中攜度兒緣壁由斷垣入一登其顛
遽返欲吟無所得今丙申歲正月復道衡陽未至郭
六里許卽循岸散步既至禮七賢祠武侯像尋朱陵
洞天遂登斯亭凭欄俯仰浩歌爰作

維昔冒雨登遊覽計頗左
迫瞑讀石碑朽骨潤餘唾
夏

漲方鬻碣奔颺相挾佐倉卒放船去曠若失奇貨一別
三換歷浮萍復此過春陰渲岸佳飄舉興難挫紆道碾
沙礫覓古相附和儒林聯七席名相儼一个石鼓山嶽
嶽朱陵洞壘珂繚垣銜磴立斷碣枕崖臥窗漏吾伊聲
誰歎督文課人乃閉戶學浪跡予則那危梯躡空亭勇
陟諱疲懦浩浩湘蒸間韶光甫微播煙樹夾萬家中益
有寒餓布帆指天末安穩亦足賀烈士懷壯心曷敢遽
頽惰恨不逢昔賢軒轅闖其座孤蹤自來往徒踏蘚痕
破俯瞰江水清聊用濯塵沓

放言

唐堂集

卷三十四 五言古詩三

三

滌硯湘江心卓筆衡嶽顛黑雲蘸作墨紅霞裁作牋錄
我平生作合得千百篇襲以英瓊瑤薰以芳蓀荃再拜
貽下女求達娥皇前爲我定聲價筆削幸勿偏湘君展
清臚起操選政權東君司命輩分校不得專花雨吹續
紛咳唾落楚天曰子詩與筆才健學可傳宋元頗異趨
秦漢難隨肩位置李唐內庶幾席一擅請質屈靈均當
謂斯言然再拜受教去自信始頗堅妄欲付造物萬古
垂雕鐫蠹魚么膺蟲慎勿齧字穿

浣影亭分得山字

歲歲有春色春去難復還此身不自知又墮春色間遙

峰招翠鬟雜樹媚紅顏嬌鳥且絮語使我蕩以頑于嗟
駒影流寸陰天所慳學殖易荒落奈何耽燕閒繁華涓
與埃尤悔邱與山及此陽景遲努力振鴛屏無被東風
笑榮落同草菅

又得溪字

翠巒落斜際一高復一低紅樹發眼前一壑復一蹊苟
非守道人罕不爲境迷天然穠豔筆不雜米與倪遂將
浣影亭繪作桃花溪鳳凰憐鷓鴣一枝幸借棲纖羽豈
變化春風仗扶攜花開誰與噓花落誰與擠秉志以任
運昔賢庶可齊

唐堂集

卷三十四

五言古詩三

四

寄陳六坦之

維昔司寇公功成解魚袋開園開綠野泉石妙如續憶
從落帽節訪花挈朋輩漫刺不敢通繞過西峰背公聞
出款迎談笑接警欬設樽就花罍人花相負戴瀟灑文
字飲洗滌公卿態雨師頗相妬濃雲黑靄靄催人理歸
橈東偏遊未逮至今夢寐間恍與園景對此時君下帷
文課不暫廢頗思求識面妨讀敢冒昧踰年公騎箕正
值君枕函予從賓朋後絮酒親往酌冠蓋方雜沓一拜
卽告退旣予汗漫遊萍踪無定在往來於西粵三適豈
但再客冬甫僦舟行李已似載辱君冒雨來雙清草堂

內把袂一傾倒謬荷骨月愛相見抵百朋寵施過十賚
時當朔吹號寒嚴雪花碎就中登湖綿軟溫白靄靄褚
衣觸風霰萬里未銘佩君曩亦粵遊眺聽窮勝概流傳
好篇什庶幾柳范配讀宜盟薔薇裝可用瑋瑁時予還
江南獨秉園蔬耒遠志與小草根苗每遞代君歸予始
出後先若相悖誦君在粵作每以後期悔不及從酒邊
唱和狎盤敦君家大中丞重望如斗岱數稱小阮才較
衆過十倍圓若珠自走利若劍初淬行見飛以翔蚤入
鷓鴣隊爲國垂黼黻承家剗鼎鑪繫予斂鍛翮欲奮四
隅礙敏乏八叉手辨無三尺喙花樣不成錦蛾眉不成

唐堂集

卷三十四

五言古詩三

五

黛頻年役道塗賣文鉅心肺四方日則餽一家色尙菜
中丞我所師十載領塵誨禮意劇綿密優容恕瑕類散
盤綠蟻傾歌扇紅牙賽狂蕩習未湔靜坐性不耐因之
荒楮墨奚囊就燕穢徒有藁葭句叢雜未剪裁相思
在桂江水深雞鳴風雨晦率寄渺渺懷雲藍博青睞

酬沈厚餘太史三首

天意僻待粵多石而少人一自少宰來地氣靈五春史
公今客遊唱和爭鮮新抉盡巖洞竒天曷能秘珍二公
叶雲象五色俱被身

陳沈俱以第
二人及第

豈其聚天末而不感

蒼旻

峩峩太史公吳興炳華閣玉堂家所傳接武翔鳳闕六
千里外燕六千里外粵天欲榮粵土意爲流寓發遂使
瀛洲人此焉踏鞋襪

賤子三客粵登涉頗費吟跌蕩燈酒間時復操南音立
言聖賢事感興風騷深夔曠旣以邈敢鳴翰墨林椽筆
冠其顛慙汗浹我襟側聞齒牙論仰見山斗心

送陳進士聞野

琿琿者易缺傲傲者易汙世路太險巖靜默真良圖君
抱金玉器渾璞廊廟需僕也守憲駭千頃慙不符此別
各努力踪跡殊霄塗倘蒙寒暄問煙雨中江隅

唐堂集

卷三十四 五言古詩三

六

顧小厓曾試還以予久無音信到京師疑已不在
人間一見宋雲巖遽問訊告以無恙始及他語宋
述之因賦此

茫茫六合間我幾恣我身跡遠性復懶絕罕通寒溫明
月清風時默存心有人問訊一何急知其積念殷友朋
爲性命此倫君所敦相期各努力樹業以相聞

曹諤廷過寓齋夜話

煩暑倦涼夜一燈澹將失科頭不襪人隨月闖我室云
是日中語濶懷罄未畢鬱若青山積暢若黃河溢輪寫
窮鴻織併在一舌迷風雅狎商榷道誼互倡率唯恐東

嚮屋遽召紅輪出

問陳師洛逝

奄忽遽如此胡爲生斯人藻雅振末俗交遊滿通津拙
文謬流傳辱採爲篋珍遂令未謀面一旦蹤跡親雲中
魏夫子帳紗羅衆賓惠儲王蔣輩仲孺六雅漢階惟御聯翩達青
雲或臥花磚日或步慈恩春或歌鹿鳴詩騰踏上秋旻
而君獨彫謝矧我宜沈淪呼亦不呼天招亦不招魂道
德不足恃鬼神不足噴

寄丁二荀候楊二十七東野

天雲爲風飄水萍逐浪流離合何倏忽嚶鳥爾何求西
唐堂集

卷三十四

五言古詩三

七

望浙水西悠悠白雲秋不知素心人引領東望不麟鳳
戢文采四散藏壑邱不如羶膩場密密聚蚍蜉

懷儲五汜雲謝二皆人

夜坐意不懌把君詩卷看儲作何蒼深謝句殊澹寒十
載文字交聚散中多端風雪穿屋脊燈花笑未殘髯癯
當此時各事弄柔翰有路可通夢熟寐期更闌

昔有老鳳凰

昔有老鳳凰回翔東海陞辛苦構一巢頗效鷦鷯枝巢
中育三雛成長將蕃滋長者居西偏幼者居東楫中者
居厥中亦已配有雌非惟配有雌漸且育有兒老鳳冲

天去諸雛門戶衰中子被飢驅羽毛何雛礎北飛向燕
山南飛溯湘灘陸飛宋趙郊水飛章浙滑倦遊返故巢
歲久巢傾鼓桑土雨來急芹泥春去遲挾雌哺兩雛聊
用經營之棲息諒亦足鳳德世相期雛雛念爾祖有穀
誰所詒

家居接大司空公手書

熊熊台星光冉冉燭蓬牖埃堆一寸淨若乍經帚嚮
明開瑤械想見墨落手上言春別遙下言身健否中言
懷好音望之等瓊玖郵笥慮浮沉無誤託某某讀罷軒
雙睂餘芬溢我口牽動麋鹿心騰騰越林藪

居堂集

卷三十四 五言古詩三

八

春暉堂同查學菴姜自芸許子遜陳聞野葉映庭

查見初寒夜小集

分得集字

不知夜漏深侍者皆倦立何來此狂客揮杯正鯨吸盤
飴添未已燭花剪餘濕千載無限情沉沉付米汁曲鉞
不磁引祥鸞不積集同此歲寒心淺哉誓車笠

答贈查中翰

以我做帚獻博君和璧看雅格稟古骨騷派揚清澗鏡
刻至情語使我心鼻酸之子南宮彥翔步青雲端官清
不救貧筆札謀授餐何況窶遊子能無發長歎貨殖賜
所好輕肥赤所安相如固貲郎詞賦名不刊誰謂古賢

哲必欲耽飢寒

釋褐日謁

聖廟行禮恭紀

彤廷臚唱回承 恩賜簪組行與芑屨辭釋褐禮自古

齋沐造辟靡循牆僂而俯肅肅列俎豆彬彬對鄒魯小

臣甫新進顧影忘草莽江夏慙無雙阿房倖第五予名二甲

第二分奠左右趨承乏獻東廡傳臚王蘭生扈駕熱河予代行禮再拜三

進爵煙靜香一縷先賢皆西嚮道貌恍如覩低徊發遙

思數仞誰接武千年私淑人儼與聖門伍吾曹濫玉堂

曷可力不努喬木移清蔭禮畢日已午出飲國子筵餘

唐堂集

卷三十四 五言古詩三

九

敬饑心腑

賞菊

同王性如司馬燕客姚魯思公桓梁仙來姜自芸

茲花吾所愛愛其澹且寒胡然隱逸姿敷榮滿長安洞

戶甫羅列四壁秋宇寬西風一夜吹香氣如春蘭相對

斟以酌花前無熱官長歌當絲竹願罄平生歡

禱雨

魃母何肆悍商羊鋤其舞屣我廊廟憂不止在畿輔市

屠禁鼓刀叢祠考鐘鼓豚豕一何樂蝎虎一何苦雩禱

各有方沍巫詎泥古一心對旻天萬命託

聖主安得雲漢水滂沱化新雨

得沈子大書

乍喜已而歎日展故人牘字裏張鬚眉句中隱骨肉既
言相思勞復以道義勗篤論人才難噓培宜破俗于嗟
長安道遇合無定局或操選士柄任心不任目以意爲
妍媸明殆不如燭或懷干祿具任口不任腹夸談能傾
人其中實無蓄二者交脊亂人才遂淪伏擾擾畫上龍
茫茫夢中鹿敬之說項斯武陵薦杜牧乃如不古處豈
讓君子獨坦塗搖風波後車戒前覆相尚在聾聵厥事
果誰屬持此耿耿心奉書百回讀

日落西南隅

唐堂集

卷三十四 五言古詩三

十

日落西南隅征人尙驅車奚爲不遑夕所急在簡書平
原路趨曠遙林翳村墟回首瞻北闕八九百里餘日短
賴冬暄僕馬安以舒暝色蒼然至晚寒生衣裾我宿未
知處炊煙誰草廬

未至泰安輿中作

山行一日餘山繞如牆垣童然鮮林石不滴青翠痕敲
鏗馬蹄滑犖确車輪翻我想岱宗意視爾猶兒孫叱令
列道左而以雲自藩逢逢白雲中自有泰岱存咫尺未
得見始知五嶽尊

楊柳店曉發

一作羊流店

警枕念行役窗月誤已曉賓從不置辨策馬驚宿鳥人
行三更末愈覺四境悄曹騰坐征輿直徑度林杪犬吠
知人家霜畦亦以繞遙山夢未醒模糊睡深窈日者客
戒予宵征防竊剽幸我奉

君命而况囊篋少但覺月影樂冰壺互清皎

寧化道中雪二首

昨夜燭無燄向明霰已積輿轎出郊原霏雪舞不息亂
之以大片陰風虐有力遙出竹樹青近視溪澗黑蕭瑟
增泓間一燈佳畫冊我行嗜清寒放眼明野色從役意
不勇擔傭頗逃匿世豈無熱官爾曹任所適

唐堂集

卷三十四 五言古詩三

十一

甫吟白雪篇復歌行路難人方嗟窘步吾忍誇適觀嶺
路石高下泥濘無寸乾昇輿亦人子駮塚雙脰寒把滑
尙傾跌辛苦力已殫晷短道里長前路浩漫漫載塗值
雨雪喟然傷心肝

贈曹諤廷歸里葬親四首

三山盛梅雨鬱結連太陰况復撫離緒幽思胡能任折
柳不成絲奚以縮歸心歎彼空潭水徒教千尺深
水深江以廣雨大灘以長舟人尙衰哀之子急雙槳布
帆足安穩努力溯而上執手何踟躕掉頭欲長往

欲往留已難且盡今夕歡庭榴灼灼紅簷雨森森寒燭

花短無燄樽酒良清酸詎有青雲人甘我首霜盤
盤罄囊亦空何以贈我友離腸千萬結盡此一樽酒
勦在道義出處期不苟東西南北人安能長聚首

次陸勉之韻長溪道上

官嶺

一嶺複一嶺一度一憂詫託命昇輿人擔荷詎可卸高
下千百級跬步縮不跨難於上青天無乃蜀道亞役夫
趾已顛從者隘幾叟深篁禽語樂灌莽泉聲瀉翻喜崎
嶇中雲巒可銷夏攬奇必履危鼓勇不欲罷夷險理何
常達觀爲醞藉

白石渡次韻

唐堂集

卷三十四

五言古詩三

七

我巡斗大州計程五日定崎嶇高岡上危路東西亘踰
嶺卽涉川津吏紛出應踟躕望隔崖萬倍遙與庭小海
方風濤俗名此渡
爲小海敢發一葦輿果決勇笑由艱險愚嗤
甯吾道正大昌詎効襄擊磬須臾白浪息皎若寒潭澄
麾扇徑過之蛟龍俯而聽斜陽駐輕帆平磯下深石登
陸穩我心笑語不覺暝與其涉一波毋寧涉千磴

雨行

千山本離離煙雲裏爲一征夫入其中惘惘迷若失于
嗟嶺路險一度一凜慄睛且牆緣螳雨更壁過蝨瀑轟
耳似雷泥污脚如漆安得長幌巾仰拭青天出昨行苦

炎威今乃藏赤日天以涼贈我莫嫌水沒膝

鴛鴦塘

昔經畫舫鋪今過鴛鴦塘啼山無畫舫泛水無鴛鴦停
車問居人稱名奚所將答云君何愚名實詎相當雨易
涸溝澮斗難挹酒漿正卯號聞人徐偃稱霸王况今重
本業戶戶先農桑養老畜雞鶩時欄餘稻梁鴛鴦畫舫
鳥聲色供淫荒兒女耳目玩諮詼安足詳暢然驅車去
采風貯奚囊

丙午歲六月自閩奉

調回京僦一椽隘而潔顏

其客坐之右室曰詩境又南向之室曰鴻雪臥室

唐堂集

卷三十四

五言古詩三

三

在東曰東壁各係以詩十韻

詩境

放翁曩遊粵興與山水諧詩境留石刻大書以摩厓我
今官京師草草僦書齋繫驢鳴右鄰鬻物喧前街囂塵
不可避山水殊睽乖閉戶此靜坐造化形巔涯圓牖東
風和方窗西月佳圖書頗措置几硯亦磨揩天光碧映
扉草色綠上階心曠不在境頓愜騷雅懷

鴻雪齋

寓室號鴻雪昔在曲巷西安居不踰月南北紛輪蹄至
今鴻爪痕猶印西巷泥飛去復飛來雖雛仍未攜飄鴻

此寄跡舊額堪重題簾櫳開向陽庭城築就低牆陰羅
秋卉灌溉勞小奚爛漫足五色映入窗玻璃閉門卽深
山書卷供吟批鳳凰千仞下鷓鴣一枝棲

東壁山房

一房擇西嚮方受炎日鎔布幔張兩幅筠簾垂一重就
中設牀第臥起頗從容瓶花與爐煙詡爲富貴供鬢絲
禪榻畔風月聊過從東牖旭日蚤朝眠不得慵可以勵
夙興勿使夢寐濃漏外數弓地環以低土墉我將搆豆
棚摹擬家鄉農量力心已足華屋本無庸

宋介山投巖底詩次韻奉答

唐堂集

卷三十四 五言古詩三

十四

金門有曼倩索米曷嘗飽况乏歸遺肉不畏細君惱離
家恃路遙穹室猶未掃閨月豈不憐兒女幸非小雖無
團樂歡夢中見亦好君亦羈旅人松鱗著書老胡爲四
壁立攜家長安道鸚鵡典陽昌犢鼻雜傭保詎乏賣賦
金泥沙委秋草翻爲遠山愁言之一絕倒觸我懷鄉心
寒砧夜深擣脈脈不成寐朔風響枯杪

鼠銜墨

寓室大如斗糊潢頗明潔鬱爲翰墨林險糜日磨涅連
朝失墨三杳杳踪跡絕全者乃一笏殘者或半截室無
外人至心疑童子竊童則疑及鼠此輩恣搜抉妄言姑

妄聽旁談聊自雪斯豈穀果蔬而儲作餽啜昨夜甫就
眠油燈耿初滅案頭窻窻聲隱隱聞曳掣搥牀逐使去
經然墮而跌急起敲石火照案物羅列唯我子墨卿飄
爾已遠別大索到壁西窮追抵其穴我墨橫穴口欲入
幸曲折爾鼠終愚騃發蚤機故泄獲救歸案頭前者視
已蔑呼童往責鼠爰書劇詳切硯旣狼藉汚紙亦鴟張
齧復來擾松煙公然縱貪饕欲結斯文緣此緣詎爾結
墨汁不飽腹生吞不懲墮徒思長黠智因之淳筆舌舞
文亂紫朱吐口肆塗巉聲罪辭未終呼童且勿說與鼠
爭唾餘無乃非豪傑

唐堂集

卷三十四 五言古詩三

五

遷居城西谷陽橋庭有老梅一株

忽見庭東隅老樹繁瑤葩香度曉風細影交西日斜我
歸自孟冬託此爲蘆蝸不知有奇蕤但見高槎枒陽春
動地至霽旭明窗紗開軒如故人相對靜不譁俾我忘
寒儉願爾生光華豔以玉號梅韻以蝶肖花此花無世
態媚我冷澹家一樹意已愜大庾奚足誇

戊申歲臘月庭梅盛開

僻性厭城市發春思鄉居庭樹知我心衝臘萬蕊舒豈
因冬氣暖故是梅愛予夏載食葉時無術爲攘祛痛若
剝膚切巡簷徒欷歔兕蠹害嘉良肆力無遺餘汝曹今

泯滅我樹終晏如不屑爭春華纏綿風雪初冷澹歲寒
友芬芳同一廬恍逢水竹間迥與囂塵疎榮落雖不常
花情忍舍諸翻愁東歸日繫戀此階除

題姚四孝廉臥龍松下小照

天上有游龍地上有臥松人中有坳堂

姚別號

星宿羅心

胸三者忽併合衆奇以類從橫覽紅塵內萬象皆卑庸
已酉歲三月三日舟次青浦

春來三泛舟輒遇雨爲難助以橫逆風斃力繳不斷吾
生本有涯春去已過半天不自珍惜荒荒擲韶旦風雨
爾何雛屢出戰青翰雞鳴發谷陽中路日已宴非不臨
唐堂集

卷三十四 五言古詩三

六

曲流江水方渙渙蕭條祓禊心藹苟香芳岸古之滄浪
人不知何澤畔縱遭和暢天陳迹亦堪歎况坐篷窗濕
斜吹漏痕亂不如撫高枕夢去遊汗漫

次日大逆風

掃雨吐紅旭岸容解昏凍風則西北來曲與船頭闕百
丈力不前片帆技無用詭譎起舟子顏敗到儼從姑胥
荒穰在寒食展遙痛此行非遊娛風伯胡太縱石頭利
不泊馬當順而送我亦青史人徒受造物弄劇于暴凌
姜甚于雌狎宋揜篷失霽色白日如在夢作詩檄東皇
風馭轉春輕速令宗慤乘庶免昌黎訟

朱鳳翔挽歌

年九十歲

南極夜光匿東海昏霧蒙哀鶴叫雲際不見矍鑠翁
昔強壯日爲國効匪躬奏績齊楚間賢勞及河工擢
守鳳翔郡政聲何隆隆宦成拂衣退遂以泉石終昨予
亦旋里先辱名刺通城西室非遠一見解渴衷誰謂耄
老年步履輕於風古貌赭兩顴秀眉碧雙瞳拱揖手亦
健應對耳亦聰欲乞延齡方答云無秘功不飯復不酒
唯以藥餌充嘗聞古神仙百歲顏如童翁其漢方朔否
則晉葛洪胡忽厭塵土而竟歸壑啊香山洛社遊我欲
聚數公老成首彫謝冷落聲泚中泚水澹澹綠峰樹斑
斑紅剪紙招君魂騎鶴下碧空

唐堂集

卷三十四

五言古詩三

七

瘞筆

筆者吾老友旦夕相與歡方竹爲之室暇則居其間古
觚亦已多聚族爲團欒愛潔避塵垢其首俱著冠邇來
文字荒經月曠往還遙意冠之內不潤嗟久乾頃偶理
故業遂呼毛穎前脫帽而露頂老秃半已殘驚視冠之
上封口泥一九乃知是蒲盧乘隙來穴鑽筆管以爲廬
筆頭以爲餐噉噉語吾筆主人興太闕經月棄置汝孤
汝鋒毫端我來竊寄居何忍放汝閒嗜汝有至味黔瘠
殊甘酸生子使類我飽此翰墨緣吾筆受敲訖憫默不

得言吾量則已。漏怒鑿土穴，翻么磨爾何物。公然肆兇，頑吾欲養其銳。爾乃髡其顛，蒼蠅嘍墨汁，白蟬蛀紙牋。紛汝肖翹類，闖入斯文壇。俄忽自慙沮，吾不如蟲焉營冢。瘞吾筆，太息摧肺肝。

庚戌歲重陽後四日邀同徐今吾

王延之

沈學子遊橫雲山

以此中有真意分韻得真字

帝擲一卷石，置之澤國濱。而我幾兩屐，始與煙霞親。山靈招我來，一舸羅衆賓。款扉踏苔蘚，耳目相鮮新。秋光染石骨，嵐翠欲滴身。步步入幽邃，截斷人間塵。皇天畫此山，工爲劈斧斲。若非牆樊限，彌露林壑真。攀緣陟其巓，堂集椒遙望。泖作隣，右手挹清波，左手拂蒼旻。凭高發長嘯，達者古何人。

其二

以山氣日夕佳分韻得山字

帝擲一卷石，萬古秀不頽。意欲逸而去，不與羣峰班。鉅人力挽之，園亭劃其間。瑯琊莊宏敞，清河塢幽閒。到處可駐足，養銳窮躋攀。林外疎雨過，九點皆煙鬟。秋樹旣瀟灑，秋花亦爛爛。但覺眺聽佳，不知登陟艱。何必陸士龍，始足名此山。遊人與有分，留戀不欲還。
東爲橫雲山
莊西爲宿雲塢

小赤壁

以盪智生層雲分韻得層字

捷足上絕壁諸君皆氣矜觀此巖壑奇遑曰老未能媧
天落赭屑爛漫堆一層峭豎不著地秀削爲鋒稜磊砢
連大荒勢欲霄漢騰不知古誰子辱以培塿稱齊安著
以蘇相較恐不勝人影斜照裏餘力奮又登軒軒兩腋
張到此愁飛昇緬昔我良友十峰呼不磨往來問遺刻
莽蒼無一僧四顧起暮靄隔水明漁燈

徐學博十峰愛此山因以自號

今尋其石刻無之

夜登天馬山

以天高秋月明分韻每月字

孤艇沿溪來落日傍山歇山市吹晚煙溪火耿漁筏促

坐命酌酒稍稍具肴核厨人減秋味蟹螯則偏闕尙乘

唐堂集

卷三十四

五言古詩三

九

遊興雄觴政喧百罰童言篷窗外水浸半月遠起作
夜遊紛紛著巾襪前導虛秉燭清光炯毫髮扶醉十趾
顛祇覺石磴滑堅坐浮圖下煙雲任出沒山容睡不醒
長衾借林樾歸亦枕臚眠夢遊境荒忽

次日遊細林山

以青溪千餘仞分韻得青字

舊年細林秋風淒雨冥冥今年細林秋天與山鬪青泊

舟西潭下歷歷尋所經犖确石路高白雲爲藩屏晴光

蕩着曉竹木媚幽馨真人不可見徒見殘碑銘岑寂丹

井澗沈寥鼉館扁昔從山後來笠屐濕不停茲行劇明

爽仙蹟何彫零山禽似相慰和鳴悅人聽勸人急行樂

何必延千齡

至余山憇宣妙慧日兩寺

以遺構絕壁下分韻得構字

桂擢懶不前芒屨勇不後舍舟步山麓墳墳臥耆舊曠然林莽開金碧聳層嶂輝煌蘭笋山雲日凜望就

先帝遺翰墨攀髯罷南狩愴念咫尺顏小臣淚沾袖衷始能去暑短步稍驟荒涼古沐堂扉缺不待叩慎勿索茗供應憐衲子瘦下山且東之落葉一寸厚

是蘭笋山

仁皇帝御書在宣妙寺古沐堂卽慧日寺已荒廢矣

繇東奈騎龍庵繞出山背至沈氏墓舍問途增巷

而返

以林園無俗情分韻得俗字

唐堂集

卷三十四

五言古詩三

三

山高八十丈唵作龍項束但思縱我目何暇息我足秋意暄若春萬樹蒼以綠北盡而西折坵隴阻遐矚精廬忽數椽結搆頗不俗呼童拂塵硯新句手自錄斜暉來催人歸途迷去躅蔡沈爭取途西東異所欲稻塲豆籬間農女問相屬指南趨塔巷徑深天影曲豁然山之陽恍與舊遊續薄暮重踟躕月上一輪玉

送盧二月川之武林四首

半林先生孫文筆肖其祖風雅况家珍如審言有甫助之江山力天錫以賢主

仕者自與蘇隱者林氏述非仕亦非隱絳紗以授徒吾

願盧郎去名壓西子湖

冒雨遊兩日追憶如夢裏其後七過杭行役負山水安坐屨名勝吾愧不逮爾

吾黨二三子相望東西郊君獨不得閒一權辭衡茅離索非所歎所重道義交

食萵苣莧

肉食不能繼買菜尙未艱青青人莧佳烹煮京食單紅汁沃白飯味美不可言佐以鹽

去醃

萵苣報切片乾下

酒頗甜脆少許勝胎蹠平生藜藿腸慙媿作一官公卿名讎會守令饋盤餐豐膳出中厨杯炙非冷殘曷敢縱

庠堂集

卷三四 五言古詩三

三

口腹賦命本酸寒歸來居負郭鉏灌無後園舊種一畝地荒棄鄉村間翻畏賣菜傭來卽費吾錢昨問魚豕價太息空汗顏

有示

君子且逆耳聽我歌正聲意氣漢灌夫才藻魏禰衡傲物而憤世身命隨以傾大壑諒不滿鼎呂諒不輕尺蠖不嫌屈胡蝶何爲驚雅載抑之篇易曰虧其盈鑑人勝水力攻玉知石情愛深無美疾幸勿嗤老成

五言古詩四

論詩二首

討源三百篇，輒以風自畫。里巷兒女情，田野桑麻冊。力未入雅頌，闕與終拒格。末由通天心，兼之播王迹。徒詒月露譏，不繫聖賢籍。遭逢任顯晦，道義則古昔。置身騷楚前，比興發宏碩。

世有理學家，輒謙詩未工。意謂此小道，工之類雕蟲。大聖首重詩，稱有倫物功。體製雖遞降，道性情則同。小之

唐堂集

卷三十五

五言古詩四

一

殫細密大者，包崇鴻鏗。句幽渺間天地，相貫通儒者。切身事，詎以綺靡充。

夏霖篇答徐今吾五月風雨苦寒之作次韻

夏霖淒以寒，天宇壓不大。生涯寄庭卉，濕葉太搖簸。或已新著花，紅紫亦滴破。笠屐不避泥，罌盎移滿座。蕉窗心跡清，看雨捲簾臥。芒種後頗旱，田夫懼秋餓。棹聲發乾響，秧歌少歡和。一雨如雨金，農蓑濯塵泥。田疇喜滂沱，寒冽不爲過。豈曰行冬令，而嫌白日挫。涼暄聽真宰，陰陽雜參佐。但勿小暑雷黃梅，又翻作諺小暑一聲雷翻轉作黃梅

復雨登前韻寄陸香林徐今吾

偶霽六月朔日影照簾大中車命出門餘滑任顛簸良
友共談劇新詩盡讀破揚舂陸子堂拊掌徐公座歸來
甫一昔雨聲警朝臥起憐花葉垂遙惜蠶蜨餓始信苦
寒篇旨哉可酬和漏屋縮項趨徽衣著肌沈阻絕舊雨
來安望高軒過寂寥兩夫子吟興莫教挫盍各張其軍
輜材願爲佐不用穎墨嬉雨窗無事作

今吾倒押前韻答子夏霖篇復疊往代柬

風雨釀夏寒奇事天所作才人欲鬪奇灑墨以自佐寧
使日車匿不令筆鋒挫予時頗詹詹妄謂摹寫過遂貢
喜雨辭以爲青眼沈淫霖今不已雖風肆相和無乃農
唐堂集

卷三十五 五言古詩四

二

事傷所憂及窮餓爰改前說往讀之必倦臥不虞新篇
來璣珠復盈座君詩譬勁箭赴的鮮不破我詩譬漏箕
安足供一簸雞鳴淒晦中愈服君才大

杏林一日雨示步韻詩卽倒用韻答之索其再和
老騷健如龍兩詩倚馬作直先韓孟驅而挾元白佐橫
側妥盤礴瀏灘協頓挫巧力滿十分諷誦耐百過同時
南州筆一洗時俗沈喝韻使倒行翻新爲倡和雨深不
知寒炊晚不知餓君擅西園才勿戀北窗臥偏師攻長
城後至傾一座何恤天根穿三唱鬼膽破巴人前導之
秣稜必先籟如入孤注塲持小以博大

雨中頻得陸徐疊韻詩賦此止之

古之風人詩往往發憤作今夏淫潦多沴氣爲之佐秧
苗或漂溢鉏耨幾折挫憫農且不遑酣吟無乃過主人
筆札濡童子履襪泥去來泥淖中絡繹三四和墨稼詎
豐穀字煮不療餓耽詠忘晝餐玩讀廢宵臥吾曹溺文
辭爛漫堆四座豈知江城裏幾處茅屋破彼蒼倘媚才
箕畢愈掀簸無令風雨深積卷牛腰大

前詩去後陸徐適各有詩來興不能已復答

使韻如使兵一一犯險作靈府若湧泉百怪相輔佐彌
礪詩伯鋒不受雨師挫奔命吾已疲寄語懺吾過爲驚
唐堂集

卷三十五

五言古詩四

三

雕龍彩竊媿塗鴉沈瑤賤又飛來曲高轉難和足披龔
耳聰能飽饑眼餓因思揆天才間放邱壑臥宜洩胸中
奇鬱勃通帝座溜滴階薛餘日逗雲陰破故引咳唾生
霏作玉屑簸啓晝非霽徵尙愁風雨大

香林詩有喜見
日色意故云

香林又疊韻頌予仍答其意

淵淵金石聲琅函發新作曹鄴拜下風漢魏參上佐霽
日光四射陰雨氣一挫詩格洵愈高譽我則太過謬稱
翰墨雄能掃脂粉泥鄭郊七子歌虞廷八伯和往時動
人主不免路傍餓士衡吾邦彥風騷供坐臥入洛攜壘
箠

謂淳川
孝廉

壓倒張華座落筆五嶽搖讀書萬卷破卽今

施報頽才調益翻籙敢以黃陂小來爭陸海大

今吾又寄喜晴詩至時方雷雨

陰晴何儵忽翻覆如此作知是天公操非可人力佐人
生百年中幾許良辰挫胡獨今之夏嗔喜偏太過霽則
樂燥乾雨卽愁霑世情頗雷同百喙相附和君示喜
晴篇爲憫溝壑餓雨賜望時若始得安枕臥奈何讀未
終鬱蒸方滿座雷且殷地來電亦劃雲破屏翳伎倆熟
頃刻復弄簸白日何處藏颼颼雨聲大

又答香林見寄

愈出乃愈奇君心何物作當其鬼神通疑有風雲佐嚮

唐堂集

卷三十五

五言古詩四

四

因雨浹辰文陣不肯挫聊用建旗鼓消磨長日過今也
天空青雲影無纖凝庭曝衣一竿窗薰香百和禮俗沓
應酬揮汗復忍餓不如風雨中閒吟而閒臥可以弄賤
札纍纍充末座小奚古錦囊梅濕黥已破雖欲負以從
路塵恐揚簸韜筆無可書芭蕉葉空大

次邵編修北崖寓館種竹韻

乘暇行東軒軒然爽心目誰理土礫區小山縮盤谷邵
君好事者離離種疎竹其葉青蕭蕭其柯紫簇簇其人
縈拂之鬚着一時綠我來好樓居自喜隔塵俗懸梯十
四級登下頗遂曲稍嫌啓窗扉環顧寒華屋而無半弓

地可以肖林麓竹石君寬閒几席予卷跼益泥三寸松
餅水數枝菊聊愜山野性閉門遠蹄轂幸與通步欄曷
肯讓君獨譬彼辟疆園子猷寄遊矚大道公無私近取
良已足前庭雙梧桐陰陰雨新沐寓興梧竹間欲借鳳
風宿

爲通州李心構題乾坤一草亭圖
孰以書帶草蓋作問字亭其中納天地其外通滄溟脈
脈此閒坐古貌而修齡問之不我答無乃太白星何不
畫麟閣杜老誇丹青而屈鈞鼇氣鍊爲癯鶴形

小山詩

有序

唐堂集

卷三十五

五言古詩四

五

江寧寓樓之下庭廣三丈袤半之方石砥平不露土
壤雖春不毛也予遇蒼崖綠樹性情輒與暱卽不可
得亦盆池卷石尺卉寸蘚置目前以驗生意觀物理
濯濯者其若茲庭何則從纍下獲宣州白石四洗刷
出之乞於鄰戴孝廉者十三陳郡博者二邵太史者
五頗皆有致若聚羣羊於庭西南隅度坳突之宜而
高下絜比之畚雨花臺下土以實之崇三尺縱倍之
衡三之雜蒔時花小樹擇其翳蒼坎焉以蓄水養魚
天光動其中而共陽松竹黃楊梅榴之屬相虧蔽坐
而對之如展畫卷鬱然林巒之觀矣其可名者曰偃

八樓峰曰見天潭曰介石曰歲寒洞而總呼之曰小山
云夫鳶魚語小小亦大也小魯小天下大亦小也故
曰太山之於邱垤類也事物之理有無相爐本無而
忽有者吾直寓焉以爲觀耳長保他人之不毀乎則
既而有而無又可知也作詩以存之俾異日雖無如有
焉壬子歲三月唐堂居士書
天賦麋鹿姿錫命守林薄人或性與近仁智欣有託大
則山水娛小亦園壑樂小之又小之其多一卷勺空庭
幻部婁白石帝所鑿窪穴藏碧泓豐叢露朱萼跬步麓
已周俯瞰了巖壑云何竊山號妄欲侔五嶽天地如倉
唐堂集

卷三十五

五言古詩四

六

秘國都在蝸角一理通衆形大小無滯著聊當茅蔣遊
達人勿嗛噤

送尹制府入覲六首

斗杓西北指卿雲東南翔騰騰上霄漢紉纒盈
帝閭岳牧鎮方州虞廷佇賡颺姬台分陝日周室資龍
光猗敷我尹公文武憲南邦朝天述所職獻之無繡展
傍

黼展日萬幾無逸在宵旰中外咸重臣鶯領託犀翰

帝曰兩江督咨爾來陛見驛路鋒車馳朝班景星榮

入告密勿地外人不能贊但聞湛露詩又見嘉魚宴

宴賜寵便蕃登朝日三接朝罷趨庭闈韋平話勲業調
羹既鹽梅濟川復舟楫六載慈孝心一朝願俱愜家訓
不及私陰陽贊和變橋柯崇茂蔭猗蘭盛奕葉

葉連北闕雲枝覆江南春春臺萬里地廣芑兩江人興
除禪仁智憂樂同一身公不自知勞經緯如有神感人
浹寤寐信宿狃天門夾江走童叟攀臥環征輪

征輪已遙發鳴騶且載道江干霜葉紅西風雁聲老夾
江走童叟如孩去懷抱我告童叟知公行繫億兆福星
耀中朝江海亦明燦

帝念東南陲重來更大好

唐堂集

卷三十五

五言古詩四

七

大好愜輿望其次慰鄙情奉教作邦乘一載佩光榮品
題到小山惠我樹石青猥將蜩鳩質竊附於嚶鳴安能
抒離緒爲作朝天行斗杓何時旋在郊見于旌

吳侍御招集五柳園

分得燕字
時共七人

五柳白下園七子鄴中讌主人吳季重七十貌豐健旨

酒流長筵行厨出精膳招邀歲寒友一一江南彥沈約

離東陽

元起

元王喬辭葉縣

元

擅冷孝廉船

華希閱

姚煜池清太

史院

邵泰

厠我閒散人敢以老居先報捷聞西師賑災見

南甸大臣勞經營吾曹恣遊衍沉酣杯杓間鄭重感天

眷冬日暄一堂松栢正葱蒨柳條尙垂垂風葉積階面

彭澤祇自飲先生善酬勸短晷爲之舒流連忘日宴

舟行卽事

江舸發東南蓬蓬起北風風雨雖偶然亦在逆境中榜

人迫行路強欲張帆篷吳人謂帆曰篷舟乃敲斜行人不安厥

躬茗杯潑其半硯水側向東筆滑落几案悅濕飄窗櫺

正辭戒榜人所見胡不同行險萬無倖躁進鮮克終不

聞波濤下馮夷結幽宮榜人前致辭公語何愚蒙庸庸

守故習咫尺不可通徒具舟楫材迄無濟川功應變寡

妙術宜公所遇窮聞言不能對一笑仰太空

宮傅陳相公寵貽五言手書綾幅步韻奉酬

唐堂集

卷三十五

五言古詩四

八

緬昔強壯日受公國士知四時集歡宴百里縈懷思攜

我到京邑蓬瀛相與期入院朝橫經退朝宵賦詩俄然

轍南北梁月遠庭墀升沉結遐念奚翅渴且飢惟天壽

平格 綸言出如絲詩之娛綠野以養松鶴姿弟子棲

谷陽問年亦逾耆拜公林泉際山水逐步移山青樹謾

謾水碧煙差差顏色如神仙手麾筇一枝上御書林泉耆碩四

字賜公今年八十三居遂初園中善步軍偶攜杖輒磨去屈指三十載蹤跡多合離

文酒重細論日光爲之敲揮毫雲霧散叙事風颭馳健

如文彥博雅於郭子儀春風拂社來舊痕巢意而羽翰

戢已久白首依吾師公贈詩云羨君富著述奇文若波馳羨君盛桃李爲國樹羽儀館閣

需老宿慎勿歌已而行借風樓手
大爲玉堂師故以二語敬答雅意贈言貴瓊瑤報章慙
瓦瓷乘此歲月永鼓櫂來時時

孤山放鶴亭

千古林君復孤山入其手梅死亦不彫鶴死亦不朽墓
配兩忠臣祠合三賢守豈必仕宦傳隱遯與之耦重名
仰泰岱高風壓培塿亭子如畫裏西湖落窗牖我來低
回留惜也未攜酒酌之嵌巖間大叫識黃某

上韜光未至

明知韜光高老人不能陟手不扶一筇足不著兩屐人
叢半日擾思往蔭松栢窅窅入山路濟勝鼓餘力夾徑
唐堂集
卷三十五 五言古詩四
九
駢修篁支澗絡奇石水流鳴涓涓愈上愈黝碧峭蒨日
未舒養步稍憇息煙靄軼太半翳蒼似將夕譬虧一篔
功翻然下絕壁渺渺留餘思山趣在離卽

六橋

西湖好山水變作繁華場自築南北堤遂令士女忙桃
桃枝相對柳柳葉相當其下列菜畦花發爛漫香駘蕩
四時景人情愛春陽及此風日曠遊者尤丰昌如我白
鬚髮照入湖水光亦喜意和暢緩步忘路長

訪參寥泉

緇衲塞湖涘誰者今參寥胡爲髯蘇來方外名亦昭辨

才與惠勤同時皆楚翹道潛尤卓犖詩卷一何趨石泉
協吟夢寒食清瀟瀟浸淫七百年一泓闕僧寮智果遣
講寺風物埋蓬蕭十叩人始磨荷鋤爲圃樵左手指方
坎右手操圓瓢請公嘗水味以當烹茗邀此間絕遊蹤
裙屐滿六橋汲古嗜寂寞何必從喧囂

葛嶺

人趨湖上喧我愛山中靜拾級上空亭白日罕人影當
年秋壑熱灰飛燄已冷池閣豈遺蹟平章此豪逞窗瞰
錢塘江歷歷走帆艇金湯託秉鈞忍使國不末試問木
棉菴何如葛仙嶺雅川得道者訪之凌絕頂渺茫虛無
唐堂集

卷三五

五言古詩四

十

中依稀見丹井神仙如可求鉛汞煉爐鼎不則屏世緣
功與服食等寄言名利子於茲發深省

平郊日日泛舟

乍駭湖淼茫疑與彭具同豈不興濤波水濶易作風有
頃權一葉一槩復一篷如踏鏡面行飄然凌太空安坐
任所之北南而西東剖湖分裏外大堤截長虹隨意穿
橋門迤迤靡不通林巒遶萬翠樓閣標千紅睂底只兩
眼環眺安能窮倚舫話賓客供茗呼奚童遙知岸上人
望予如畫中

今吾投近詩數篇戲步其險韻一首奉答

麥秋天宇晴
飢風扇和洽
種花學園丁
下酒取菜甲
詩書久度閣
筆墨深藏匣
心本與天游
頭肯爲命壓
怪石嵌莓苔
小樹剪楓桺
娛老坐其間
不衫復不帽
剝啄來新篇
珍重同梵夾
盟手沃薇露
焚香炷金鴨
讀之如異錦
鴛鍼見穿插
律細格愈高
才大幅不狹
青天喜一捫
滄海驚一呷
險逼韓孟奇
醇得王岑法
窗蕉影搖搖
庭竹響雲雲
助我吟未厭
寫玩入湘筴
興來欲摹追
意匠難妥恰
始悔鉛槧荒
終日把泥鍤
筆力困千鈞
詞源洄三峽
句俚既蠻語
字醜亦花押
遊戲成報章
不足廁賤

劉八斗君何饒七襄吾已乏

居堂集

卷三十五

五言古詩四

七

張文五畫墨荷野鳧詒予題詩云好對玉堂翁
亭

九韻報之

藹菴吟國風鳧鷖歌大雅葩經敷物華絡繹出腕下墨
瀋一何活潑潑一痕寫著筆如化工不爭多與寡澹遠
香欲生斯意宜靜者造物費渲染粉白燕支楮榮落在
須臾翻疑是虛假此雖萬夕陽風塵不能惹玉堂亦何
爲秋水妙荒野

題朱龍田秋吟三首

生薑是君性黃檗是君心結成辛苦句流出哀酸音少

陵尚不死逢秋爲此吟

題皆用杜句

東野進士官猶作寒號蟲何況未得意馬蹄踏春風瑞

坐學蟋蟀弄聲霜月中

通儒抱道義軼軻非所憂憂來浩無方感此天地秋歌

爲金石聲讀作逍遙遊

欣善堂文讌

用今吾立秋大雨詩韻

吾黨爲文章期與發光燄晝夜常熊熊萬手莫能掩誰

懷白玉璞秘之黃金檢西郊敞文壇九日薄雲滄今辰

天氣清商颺微珞颥晴暉滿秋堂浩蕩不肯斂盍簪瀛

洲數

同讌十人

先後來以漸各剖所席珍鸞牋浣溪染筆

唐堂集

卷三十五

五言古詩四

十一

尖花灼灼硯凹墨灑灑秋水碧一泓叢桂金萬點香秬

匙上滑寒菊籬外閃嗟及郡乘荒莫慮佛頭玷佳題豈

厭多人可奪扇箠

時有秋水賦重陽後鷓鴣詩農事初成野飯香詩愛菊說擬松江府志序

諸題文事勇廓清庸掃蠱魘三辰揭其闕五丁鑿其險

賞奇共浮白金谷罰無忝

顧小厓編修告假歸里燈下過我小飲

蕭寥藜藿逕澹蕩燈火夕方欲溫濁醪門有車馬客夙

昔同心友五載霄淵隔何幸蓬萊仙來訪漁樵迹剪燭

相視笑鬚皆倍前自爾曾蓄所言爭吐一漏百且與放

量飲良夜虛可惜春風慰索居舊雨得三益楫楸紅未

灰更籌莫催迫

乙卯歲正月十三日雪後大晴是夕宮傅公張燈
設宴於愛日堂飲罷賦別

雪晴午泥收日落夜燈出銀花門外繁蓮炬堂中密尊
罍濃湛湛煙火喧輝輝廣坐十九人位置予第一漫言
馬齒長須髮霜換漆宮傅悅視之童孺若子姪

公年八十四世

南學士方大編修光亭
朗亭二孝廉皆在坐

疇昔宴此堂大戶詡無匹飲或

盡八斗醉則臥三日今來頗不勝目睫嬰微疾觀燈旣
羞明縱酒賒愈溢金谷罰應減玉山顏恐失合歡爵油
油終筵賓秩秩款留情無涯辭退禮已畢踏月放孤艇

唐堂集

卷三十五

五言古詩四

三

寒水流泪泪

元夕讌會浙制府署

筆牀載江舸爲讀越絕書

時訂浙志

招邀嘉平朔至上元

初良會乘佳節廣筵臨前除幕府多賓從翩翩曳長裾
芝玉如聚星客右忝屬予羽觴飛絡繹豐膳羅衆諸燈
火爛以昭有目不敢舒

患目未愈

但見金輪現中有紅芙蕖

舊年田歲稔四境歡有餘今夕與同樂青天照蟾蜍

憶小山梅樹

揖君虎阜麓歲寒始結交嫁我江舸歸棲之小山劫感
君愛我厚蔕蕾團作苞一身備三色密榦無稀梢獻歲

出門別依戀不忍拋豔陽二月暖萬卉劄春胞客中已
爛漫盆盎紛書巢料我老姑射亦妝紅綠蛟睽違三百
里棄置谷陽郊歸期何能待零落粉黛包羽翼不夾體
肝腸費爬抓吟哦寄相思夢向南窗鈔結愛在一心始
終漆與膠梅梅必我諒落花能解嘲

封司寇張公同顧太史在西溪招觀梅花目疾不
得往彙括答柬語爲詩

西溪夢見之梅花盛而古陽春滿山莊香意一時吐遙
知迷濛中豔雪擁賓主雙雙貽鯉魚招我入瑤圃兩眸
畏風日一心懶鼓舞咫尺雖孤山遊力尙未努况欲煩
舟車不能挾毛羽準約明年花來與捉談塵花前讖闕
失併作一春補

庭前盆柏高三尺小鳥巢其中

鳥曰主人仁非予擇木智豈無高深林不免彈射累此
間忘於機厚德化童穉殪卵可無虞俯闕亦何忌樹寄
盆盎中予復寄於寄牖戶隱眠食雛穀拜君賜主人敬
謝鳥感頌良抱愧庭雖羅可張燕雀儘遊戲翩如鴻光
偕臯廡殊造次突兀無萬間安得寒士庇庇祇及纖羽
荒寒負初志

掃地

唐堂集

卷三十五

五言古詩四

十四

不解陳仲舉不屑掃一室曲逆宰天下兆於分肉日敝
廬湫隘居礎潤夏霖溢炎歊回燥乾坐可繙卷帙何來
積塵垢雜沓眼前出輕浮播柔惡到處紛且密忤我清
淨心胡能不深疾親任箕帚勞糞除不遑逸曠然十笏
地遂足容我膝

拔草

不解周茂叔窗前草不除詎無佳葩卉意思良發舒
莠蕒菴菴不辨萌苒初春苗夏滋蔓放肆淫兩餘閒庭
無人跡晨出讀我書莽莽數弓地蟠根作安居大奮我
義勇非類所必鋤難拔不遺力十指鉤戟如快然蕩滌
庶堂集

卷三五

五言古詩四

五

盡遂可息吾廬

題老樹軒圖

發墨壽極未萬象託以傳獨此古榆樹其老二百年自
能致不朽豈授繪畫權我推達者心一切虛空綠軒廊
水竹石由人不由天千載積人事如蘭亭輞川非繫紙
筆力泯滅爲荒煙斯圖復斯詠留貽感後賢

渡江

乘風破巨浪快哉親試之大江如劫堂舟亦芥所爲苟
具濟川志鴻纖無異施吾生數經此積久霜滿髭胡爲
今遠役豈不念衰遲

新皇紹鉅典宰輔舉不私曷敢怙遐心黽勉行及茲波
濤敵秋壯長嘯倚高桅
紅花埠曉發
策蹀淮充間五更已就道西月入車牖窺我着眼老露
氣明方塘蟲聲發衰草夙興清我心領悟及秋吳祔席
洵可安馳驅亦云好

騾輿

燕趙齊豫間三以騾輿從備嘗苦辛意欲寫筆已慵衰
老復北遊坐歷山萬重机杼盡奇態倍覺心憧憧或恣
其擺蕩如遭篩米農大箕納肉軀簸揚輕以鬆或縱其

唐堂集

卷三十五

五言古詩四

七

敬側互作高低容如乘舡艦去而被風浪衝或爲上下
顛掀如杵臼春一日此偶作其惡猶平庸或爲前後竄
如人肆窮兇危坐擁茵褥支體相撞椿橫陳彌掣曳頂
踵摩成癰攪亂心肺肝顛倒在一胸雷殛撼衆響度物
紛橫縱昨過沂州守餅酒饋十封合貯一鳴夷嗜好夙
所鍾攜之趁晨星以備旬日供不知侵衣濕唯觸香氣
濃摸索賸涓滴歎息無歡棕騾兮胡不諒傾覆此醇醲
曷以禦霜露猶幸非嚴冬騾兮倘能言嘲笑問吳儂家
居細斟酌可以娛朝饗胡爲膺辟名來逐塵沙蹤胡不
飭軒蓋騶騎鳴邕邕赧然不能對遙思阮嗣宗

墨香樓眺雪

得樓字

感爾有情雪與我三綢繆一冬幾相見條忽歲已逾寒
晨下九霄笑態舞不休紛紛覓吟侶騷緒如絲抽萬瓦
明英瑤冷光射滿樓凭闌白浩蕩目睫奚暇收袞袞公
卿心穀精占有秋客賤不越位眼前娛清幽爐紅可坐
擁酒熱聊拍浮一醉入鄉夢梅花樹下遊

盆景有六月雪者枝幹三寸許夏秋開小白花甚
盛不已感其弱植微命違時標潔貽以五言

葩豔塞天地寸卉遜孤子雖稟纖弱姿能立清白節炎
酷爾何爲自命以爲雪五出開幽寒三伏吐瑩潔葉綴

唐堂集

卷三十五

五言古詩四

七

冰瓏玲枝棲玉瑣屑違俗一以冷因人萬無熱對之若
藐姑花亦愛予別

白樂天句世間少
有別花人別音驚

醉白池讌集

得採字

皇天幹秋律涼至暑漸改高雲湛湛廣石青磊磊風
景滙一池吾視若湖海叢桂奮厥時天香坼蓓蕾芙蓉
雖未華不用涉江採嵇阮聚酒徒屈賈築騷壘揮杯吞
雲霞灑翰落璣琲緬懷曠代人逝者今安在繁敦續昔
遊流輝儻一載

客歲初
夏集此

及此蕭爽辰不樂復何待

登高

秋山何嶽嶽秋水何淫淫秋氣尙未悲白日暄園林林

問隱岡阜聊當龍山岑陵谷有今昔亭毒無昔今登臨
發慨慷今心同古心頽然挹酒卮浩歌吐商音詎中無
射律差學蟋蟀吟觴詠願留跡後人能追尋

秋圃

得催字

西風起一昔籬下黃葉堆不知數弓地秋光何濃來哇
稜賸瓜壺樹陰沿莓苔淺蕪露以滋殘綠霜以催人悲
氣慘斂吾愛天高開清時暢人事灌園非庸才荷鋤謳
帝力摘蔬侑賓壘叢菊酒酌之不遣壯志灰行樂無大
小游目皆瀛萊

唐堂集 卷三十五 五言古詩四 六
昔逢池上萍厚綠翳鏡面霜雪磨淬之空明水心見春

唐堂集

卷三十五

五言古詩四

六

風澹不波倒影落葱蒨豈徒毛髮澄直使肝腑現靜地
值佳日少長集羣彥黃鳥叶筦弦紅梅飾婉變尊酒談
諧申爛漫入經傳解此文字飲諸餘更何戀水清不濯
纓吾欲用洗硯

元夕雷雨

天陰節易感人老情易傷卒歲敗雨雪拮据完官糧安
得鼓餘興發彼燈月光雷電暮隆隆沛然下淋浪吾生
多憂憫觀此眉不揚遊心入幻妄匹如周甲忘甫登十
一齡嬉樂未渠央

秋學請雨得雨

十日走官吏秋陽炙田蒿巫厄何忍暴零榮豈不勞繁
露舞白龍蜥蜴求其曹綠章上封事黃冠切心切有滄
朝驟集東旭紅光韜雲頭墮雨絲點滴皆天膏徐徐卯
至酉斯慶匪易遭因念萬田疇如渴飲醇醪津潤不破
塊亦暫閒桔槔晚飯理蓑笠詰旦勤芸耨雨暘繫民命
上帝權所操果達下土誠無慮蒼天高

越七日又雨

晨起見苔濕涼寐宵不聞廉纖賸宿雨滲漉頭上雲皇
天不靳澤風細吹紛紜久之落點羸檐雷聲云法較前

唐堂集

卷三十五

五言古詩四

九

禱祀求翻覺意思勤吾友呼將伯閔農失蔗耘各有位
育志何勞霖雨分徐今吾望雨詩寄語調羹賢宰相好分霖雨到窮鄉有秋可冀

幸不憂如倏焚小試庭一隅卉木霑清芬免我伺潮汝

抱甕河水濱

賦得和靖妻梅

歲已未花朝集徐氏東軒賞梅賦詩分詠故事予得

是題宋史隱逸傳言逋不娶無子梅堯臣與逋同時

相識序其集亦云沈括筆談載畜鶴放鶴事而不及

梅其暗香疎影詩為六一所極稱憑弔者遂兼及梅

鶴殆後人因不娶無子故為妻梅子鶴諧語非若子

猷之竹君紹述之松官栢士元章之石丈自爲品目
乃至今習傳爲故事何所根據也白樂天憶杭州梅
花詩孤山園裏麗如妝則不始於和靖西湖志引李
日華重修放鶴亭記則謂林初亦婚娶生子洪著有
山家清供一編每稱先人非不妻而妻梅非不子而
子鶴按洪字可山宋理宗時人其種梅養鶴圖說自
叙家世七世祖逋意是來仍族孫傳會所著書亦鄙
瑣李記謂是父子大謬蓋子下洪上本有七世孫三
字而葺志者誤削去耶

遜世暱山水童鶴相與棲土物產梅華澹交久不睽幽
唐堂集

卷三十五

五言古詩四

三

閒貞靜意配得高士齊豈其翫香影謂足充空閨諧語
諒非實牒系尤無稽嗟予今老鰥麗辭艱品題不如飲
旨酒花外斜陽低

兩舟過嘉善懷陳明府

暫爲喁與于久爲參與辰一分秦淮翼七歷天涯春袞
袞公卿輩珥貂拖朝紳孰屈宏博才循資使牧民史公
傳循吏終非賈董倫庶幾弦歌宰吾道能愛人一條魏
塘水浩蕩流其仁涼颺吹片颿愁霖已挾旬安得攜筇
屐重與睟盎親所期汗青上千載光華新

霜暖

霜暖一陽復庭草欣欲春衰顏顧不如終作枯瘁人清
淨老之學空虛釋所遵固宜聖賢徒憂患時切身松或
遭斧斤桂或摧爲薪尙說松桂好負屈何由伸

庚申歲正月二日大雪

冬熱忘五九易歲寒始還節候入臘深欲發春之瑞皇
天重民命降雪非等閒揮灑瑞應圖縱橫作大觀去年
足豐穰今年愈無患朱門恣豪賞蓬戶亦歡顏老子捲
簾坐硯冰呵正乾飛入數大片融洽濡柔翰陰陽昭至
理近在目睨間清輝可娛悅何暇咨祁寒

次早雪未已

唐堂集

卷三十五 五言古詩四

三

窗明疑天曙不知雪所積臥待雞三號起視瓦一白翻
舞無停姿盈盈已及尺迷離冒益盎爛漫封水石壓沒
松竹青奮勇使裂拆修挺復離立功若起廢甃門庭無
人來損我瑤玉跡掃一微徑通茫然自著屐此時樂莫
樂喜氣溢大宅翻慮日出消紛紛應酬劇

誰謂

誰謂夏日長忽忽昃景晏懶惰無寸功光陰送炎暎誰
謂夏夜短展轉不能旦尤悔集寸心惺然警流汗失我
壯日月枉我老軀幹今歲值閏餘四時去已半腐草螢
火微伏陰雷雨漫撫此桑榆景臨風發秋歎聞道嫌遲

暮著書愁
渙散嗟彼宇宙
人庸庸近無算

唐堂集

卷三十五

五言古詩四

三

